

四庫全書薈要

• 乾隆御覽本

集部

欽定四庫全書薈要

集部

王右丞詩集卷六

七



詳校官勛教臣常循

王右丞詩集卷六

唐王維撰

明顧起經注

陳
五言排律

慶宴

奉和聖制製慶玄元皇帝玉像之作應制

唐書帝紀
武德二年

已卯老君降於羊角山語吉善行令奏聞云我帝
祖也又乾封元年至亳州謁老君上尊號曰玄元

皇帝聖母曰先天太后縣人宗姓給復一年本紀
陳王府參軍田同秀上言玄元皇帝降於丹鳳門
之通衢告錫靈符在尹喜之故宅上遣使就函谷
故關尹宅發得之羣臣上表以寶符潛應年號請
於尊號加天寶二字從之二月丁亥上尊號曰開
元天寶聖文神武皇帝天寶七載上號曰聖祖大
道玄元皇帝十三載上號曰大聖祖高上大道金
闕玄元天皇帝辛卯饗於新廟甲午饗於太廟
丙申合祭天地於南郊丙辰加號玄元皇帝曰太
聖祖三月壬子饗於玄元宮追號大聖祖間一歲
清河人崔以清後言見玄元皇帝云藏符在武城
紫微山敕使往掘亦得之又三月庚午遁化郡言
玄元皇帝降又玄宗幸華清宮大白山人王玄翼
言玄元皇帝降於寶仙洞禮閣新儀開元二十九
年始詔兩京及諸州各置玄元皇帝廟一所於是
置廟於大寧坊東都於積善坊九月改廟為太上

玄元皇帝宮二年正月加號太聖祖三月敕西京
改為太清宮東都為太微宮諸州為紫極宮初建
廟取太白山白石為真像袞冕之服當展南向陝
通志老君殿朝元閣之南玉石為像制作精絕按
鄭樵藝文畧已云玄宗集卷亡則知聖製已不可
致及混元聖紀覽歐陽脩集古錄云唐玄宗謁玄
元廟詩玄宗撰并書碑在北邙山上雒陽人謂之
老君廟也考之此跋則明皇當有御製詩即此

明君夢帝先寶命上齊天秦后徒聞樂周王耻卜年王

京移大像金籙會羣仙承露調天供臨空敞御筵斗迴

迎壽酒山近起爐煙願奉無為化齋心學自然

唐書帝紀開元

二十九年上夢玄元皇帝云吾像在京城西南百餘里
遣使求得之於盤屋迎置興慶宮命畫真容冊府元龜

帝夢立元皇帝告以休期命有司圖畫真容錄異記天
 寶中立立元廟夢神人曰太白谷北有玉石可琢取之
 紫氣見處是也使求得之琢象高二丈許雲笈七籤玉
 局化玉像老君天寶中觀前江內往往夜中有光從水
 而出高七八尺上赤下白衆人瞻之以爲寶器撈撿又
 無所見明皇幸蜀夢有聖祖真容在江水之內果有人
 見神光於光處得玉像老君以進高餘一尺天姿瑩潔
 殆非人工所製駕回留鎮太清宮老子內傳吾不知誰
 氏子象帝之先王弼注天帝也史記秦穆公夢至帝
 所觀釣天廣樂左傳成王定鼎於郊鄆卜世三十卜年
 七百天所命也劉琨勸進表卜年過於周氏神仙傳金
 錄調和陰陽保鎮國祚真僊通鑑金錄齋謂保鎮國祚
 集古錄唐開元金錄齋頌雖不著書人姓氏而字爲古
 文實天寶九年衛包書撰也承露注見五律禁省梁書
 蕭琛經預御筵醉伏斗者言酌酒大斗也山者言博山
 爐也蜀中有酒器名酒魁詩人所謂酌以大斗遺制象

北斗有魁柄西京雜記長安巧工丁謨作九層博山香爐鑊以為奇禽怪獸窮諸靈異皆自然能動漢故事諸王出閣則賜博山香爐東宮舊事皇太子初拜有銅博山為爐漢武帝古詩請說銅爐器崔魏象南山朱火炙其中青煙颺其間考古圖其爐象海中博山下盤貯湯使潤氣蒸香以象海之回環梁統有銅博山香爐賦劉繪沈約俱有詩梁孝元帝詩金鳳起爐煙史記老子傳無為自化列子齋心服形古詩齋心同所願老子注莫知所出故曰自然無義之言窮極之辭也混元聖紀七品齋法曰自然齋

三月三日曲江

文苑英華下有樓字

侍宴應制

漢書注曲江即漢之宜春

下苑即今京城東南隅曲江池是雍錄唐曲江本秦隄州至漢為宣帝樂遊廟亦名樂遊苑亦名樂遊原基地最高四望寬敞隋營京城宇文愷鑿之為池以厭勝之長安中太平公主於原上置亭遊

賞後賜寧申岐薛王正月晦日三月三日九月九日京城士女咸即此祓禊劇談錄曲江池唐開元中疏鑿為勝境花卉環周煙水明媚都人遊賞盛於中和上巳節即賜宴臣僚會於山亭賜太常教坊樂池備綵舟唯宰相三使北省官翰林學士登焉傾動皇州以為盛冠蓋公時為右拾遺正隸門下北省故得侍宴應制

萬乘親齋祭千官喜豫遊奉迎從上苑祓禊向中流草

樹連容衛山河對冕旒畫旗搖浦溆春服滿汀州仙籞

一作樂

龍媒下神臯鳳蹕留從今億萬歲天寶紹

紀一作

春

秋戰國策藍諸君曰齊彊萬乘之國西都賦總萬乘兮排徊鮑照詩齋祭甘泉宮漢書注千官猶百官也多

言之耳劉孝綽詩豫游高夏訪周禮女巫掌歲時祓除
鬻浴注如今三月三日上巳往水上之類續漢書禮儀

志三月上巳日官人並褉飲於東流水韻語陽秋上巳
於流水洗祓除去宿垢謂之祓褉漢書武帝中流與羣

臣飲燕容衛注見五律弔輓晁旒注見七古騷體周禮
交龍為旗又司常注云畫日月於旌旗也楚辭注淑亦

浦類也謝靈運詩映注歸淑浦籍田賦襲春服之萋萋
兮陶潛詩襲我春服楚辭蹇汀洲兮杜若文字集畧汀

水際也顏延年詩弔屈汀洲滿漢書注繁在池水上作
室可用棲鳥鳥入則捕之唐書尚乘掌天子之御三曰

龍媒張正見詩龍媒躡影駛西京賦實惟地之奧區神臯
沈約齊王碑注其地肥沃故云神臯長安志禁苑有神

臯亭唐禁苑圖神臯在光化門內陝通志神臯亭去宮
城十三里在長安故城東梁簡文帝詩神臯開隴右宋

書禮志漢儀曰出稱警入稱蹕史臣以為警者警戒也
蹕者止行也今從乘輿而出者並警戒以備非常也從

外而入乘輿相干者蹕而止之也董巴司馬彪云稱警
設蹕史記惠帝曰帝富於春秋漢書東方朔傳陛下富
於春秋

三月三日勤政樓侍宴應制

唐書睿宗諸子傳宋王成器等請獻興慶

坊宅為離宮制許之始作興慶宮於宮南置樓題
其西曰花萼相輝之樓南曰勤政務本之樓諸王
傳天子於宮南西置勤政樓時時登之或幸第賦
詩禮樂志玄宗每千秋節舞於勤政樓下後賜宴
設醠亦會勤政樓長安志宮之西南隅曰勤政樓
樓南向開元八年造每歲千秋節醠飲樓前雍錄
諸王既獻官地帝於宮隅為二樓西樓以宴兄弟
而南樓以修政事也玄宗自蜀回居此宮其南樓
下臨通衢又云勤政樓臨朱雀東第四街按舊唐
書天寶四載春三月甲申宴羣臣於勤政樓又十

四載三月甲寅宴羣臣於勤政樓奏九部樂上賦詩效栢梁體羣臣畢和意此詩公在天寶十四載

所作

綵仗連宵合瓊樓拂曙通年光三月裏宮殿百花中

好語

不數秦王日誰將洛水同酒筵嫌落絮舞袖怯春風天

保無為德人歡不戰功仍臨九衢宴更達四門聰

啓蒙記注

天台山上有瓊樓道經北海弱水之中上多瓊樓寶閣晉書武帝嘗問摯虞三日曲水之義虞對曰秦昭王以三日置酒河曲見金人捧水心之劍曰令君制有西夏乃霸諸侯後漢書周舉傳六年三月上巳日梁商大會賓客讌乎洛水毛詩注達九達之道也釋名九達曰達齊魯謂道多為達楚辭靡萍九衢雍錄云勤政樓臨朱

崔東第四街又云南樓下臨道衙會要玄宗戒諸王曰
吾奉先帝宮室不敢有加新作南樓本欲采風謠察配
俗是亦闕四門達四聽之意觀雍錄會要所紀則公末
云云豈無據乎孫逖應制詩方巡五年狩更闕四門聽
與公落
句相似

奉和聖製重陽節宰臣及羣官上壽應制

四海方無事三秋大有年百生逢此日萬壽願齊天
芍藥和金鼎茱萸插玳筵玉堂開右个天樂動宮懸御柳
疎秋景城鴉拂曙煙無窮菊花節長奉栢梁篇

西都賦
朝廷無

事注秋有三月故曰三秋陰陽五行歷曰一月為一秋
三月為三秋春秋元命苞陽氣數成於三故時別三月

宋衷曰四時皆象此類不惟秋也王元長策三秋式稔
毛詩自古有年穀梁傳五穀皆熟書大有年春秋魯桓
公冬大有年公羊傳大有年也宣公冬大有年又大豐
年也按玄宗紀書大有年故公詩及之子虛賦芍藥之
和具而後御之注芍藥調和也七發曰芍藥之醬然則
調和之言於義為得七命芍藥之醬和兼芍藥毛詩贈
之以芍藥古今注芍藥一名可離子虛賦注以蘭桂調
食五味之和也南都賦香稻鮮魚以為芍藥師古曰今
之於蘭桂五味以助諸食學林云子虛南都賦言芍藥
乃以魚食等物醢醬食物也與溱洧之詩所言異矣唐
語林劉禹錫曰芍藥和物名也此藥之性能調和物或
音著畧語謫也絢時獻賦用此芍藥字以煙兮霧兮氣
兮霽兮言四物調和為雲也西溪叢語五臣注芍音酌
藥音畧廣韻亦有二音子虛賦諸家皆誤以為溱洧之
芍藥韓退之詩曰五鼎調芍藥又曰難祈却老藥二藥
不同音也鮑昭宮使曲金鼎玉七合神丹風土記俗尚

九月九日謂為上九茱萸到此日色赤可折其房以挿頭辟惡西京雜記九日佩茱萸唐志九日賜宴及茱萸劉禎瓜賦董玘瑁之筵玉堂注見七古騷體禮記天子居青陽右个周書明堂中央曰太廟左為左个右為右个呂氏春秋注古个西頭室靈光殿賦右个清晏左傳注个東西廂也隋書禮儀志明堂之外則有个名周禮注樂懸謂鍾磬之屬縣於筍簾者宮縣四面眾宮室隋書禮儀志宮縣各設十二鑄鍾於其辰位四面並設編鐘各一簋簾各二十架設建鼓於四隅禮記孟秋之月鞠有黃華三輔黃圖栢梁臺武帝元鼎二年春起此臺三輔舊事帝嘗置酒於其上詔羣臣和詩能七言者乃得上與此三秦記七言者詩也句各七言句末皆諧聲乃各述所職後世詩體句為一韻者自此而始名栢梁體秦中歲時記進士下第當年七月復獻新文求拔解故曰槐花黃舉子忙王維重陽應制詩四海方無事三秋大有年無窮菊節長奉栢梁篇律隨此生已覺都

無事今歲仍逢大有年東坡之句乃出於此芍藥對菜
莫亦猶櫻桃對杖杜也唐宋詩人驚了幾番重九好重
九王右丞諸人占了惡重
九却分付與老杜可歎也

奉和聖製暮春送朝集使歸郡應制

周禮疏漢朝集使上計會

之法則朝集使之官自周已有之新唐書禮樂志
設諸州朝集使位都督刺史三品以上帝紀永徽
五年正月以旱詔文武官朝集使言事顯慶元年
十一月賜京官朝集使勳一轉選舉志開元五年
謁先師朝集使皆往閱禮焉文武授散官以簿附
朝集使上於考功兵部張齊賢傳武后詔讀時令
四方朝集使皆列於庭通典朝集使於尚書省禮
見皇太子受朝集使叅辭實錄武德九年三月宴
朝集使於百福殿天寶三載三月敕兩省五品以
下於鴻臚亭祖餞朝集使會要貞觀十七年詔為

諸州朝集使造邸第三百餘所二十年有司言漢
儀注朝賀正月禮畢還藩敕每歲分番朝集十月
二十五日至京十一月朔見詔十一日叅文苑英
華載處分十道朝集使敕十二篇皆張九齡撰唐
大詔令處分朝集使敕八首蘇頌作按玉海載玄
宗御製有送十道採訪使朝集使詩或即此是聖
也製

萬國仰宗周衣冠拜冕旒玉乘迎大客金節送諸侯祖
席傾三省褰帷向九州楊花飛上路槐色陰通溝來預

鈞天樂歸分漢主憂宸章類河

一作雲

漢垂象滿中

一作皇

州

周易先王建萬國以親諸侯左傳執玉帛者萬國毛詩注宗周鎬京也博物志周自后稷至於文武皆都

關中號為宗周冕旒注見七古騷體王乘即玉輅也周禮王之五輅一曰玉輅又云小行人掌達天子之六節

山國用虎節土國用人節澤國用龍節皆以金為之後漢書金節黑漆竿上施圓盤周綴紅絲拂八層黃繡龍

袋籠之王公以下皆有節制同金節韜以碧油韻會祭道神曰祖毛詩取玼以較祖祭也風俗通祖徂也謹按

禮傳共工之子曰脩好遠遊舟車所至足蹟所達靡不窮覽故祀以為祖神詩云韓侯出祖左傳襄公夢周公

祖而遣之是其事也唐書宰相表唐因隋舊以三省長官為宰相朱新仲云唐以侍中兩令為三省長官洪慶

善為唐無三省非也漢書賈琮舉孝廉遷京兆令交趾屯兵反三府舉琮為交趾刺史復拜冀州刺史舊典傳

車駟駕垂赤帷裳迎於州界及琮之部升車言曰刺史當達視廣聽糾察善惡何有反垂帷裳以自掩塞乎乃

命御者塞之百城聞風震竦河圖括地象地有九州東南曰神州正南曰迎州西北曰戎州正西曰弇州中央

曰冀州西北曰柱州正北曰玄州東北曰咸州正東曰陽州鄒子曰赤縣內自有九州禹之九州是也與地志至周成王改禹九州以徐梁合之於青雍分冀州之域爲幽并二州大司徒之法五黨爲州職方氏掌辨九州之國保章氏掌辨九州之地漢書枚叔書臨上路注臨道上也上路苑路也梁簡文帝詩垂陰滿上路吳都賦疏通溝以濱路羅青槐以蔭塗列子鈞天廣樂帝之所居史記趙簡子寤語諸太夫曰我之帝所甚樂與百人遊於鈞天廣樂九奏萬舞不類三代之樂孔融薦禰衡表鈞天廣樂必有奇麗之觀閒居賦張鈞天之廣樂莊子肩吾問於連叔曰吾驚怖其河漢而無極也辯命論聖人之言河漢而不測周易天垂象聖人則之列子從中州以東長笛賦注中州猶中國也

遊幸

奉和聖製十五夜燃燈繼以酺宴

文苑英華有之作二字

應

制

春明退朝錄上元燃燈或云沿漢祀太乙自昏至晝故事梁簡文帝有賦陳後主有詩唐明皇

先天中東都設燈唐以前歲不常設睿宗紀先天二年正月望胡僧婆陀請夜開門燃百千燈睿宗

御延喜門觀樂凡經四日又追作先天元年大酺睿宗御安福門樓觀百司酺宴以夜繼晝經月餘

歡樂之極始未有之玄宗紀初年望夜御勤政樓觀燈作樂影燈記正月十五日夜玄宗於長春殿

臨光宴開元傳信錄上御勤政樓大酺縱士庶觀看百戲競作人物填咽終五日酺宴周禮酺為人

物災之神漢書酺五日服虔曰酺音蒲文穎曰音步師古曰酺之謂言布也王德布於天下而合聚

飲食

為酺

上路笙歌滿春城漏刻長遊人多晝日明月讓燈光魚

鑰通翔鳳龍輿出建章九衢陳廣樂百福透

一作透

名香

仙妓來金殿都人繞玉堂定

一作止

應偷妙舞從此學新

妝奉引迎三事司儀列

一作立

萬方願將天地壽同以獻

君王

上路注見前首漢書哀帝紀注舊漏晝夜共百刻今增其二十梁漏刻經云漢制以先冬至三日晝

冬至後三日晝漏四十五刻夜五十五刻先夏至三日晝夏至後三日晝漏六十五刻夜三十五刻庾信詩三

時刻漏長風俗通鑰施懸魚欲令鎖閉如此也芝田錄

門鑰必以魚者取其不瞑目守夜之義晉有翔鳳樓幽

明錄鄴城鳳翔門五層樓安金鳳皇二頭於其上石季

龍將衰一頭飛入漳河宋書漢乘輿以金簿繆龍輿建

章注見五律禁省九衛注見前首史記趙簡子病寤寐
曰我與百神聽於鈞天廣樂矣顏延年詩廣樂四陳晉
洛陽宮殿簿有百福殿玄宗紀上皇徙居百福殿長安
志宮城圖百福在太極殿內與千秋殿並陝通志唐百
福殿在百福門內宣宗改雍和殿大灌頂神呪經燒衆
名香古辭上金殿酌玉尊江淹詩列坐金殿側西都賦
都人士女殊異乎五方陸機詩都人騎玉軒玉堂注見
五古騷體顏延年詩妍歌妙舞之容劉孝綽詩燕姬奏
妙舞史記韓安國奉引墮車蹇如淳曰為天子導引前
漢郊祀志奉引復迷與服志乘輿大駕公卿奉引韋昭
曰奉引前導引車漢官儀大駕則公卿奉引東京賦奉
引既畢尚書三事暨大夫注即立政三事也毛詩三事
大夫注三事就緒靈光殿賦三事九司注三公九卿也
周禮司儀主禮掌九儀之賓客東京賦司儀辨等尚書
誕告萬方西都賦聖上觀萬方之歡娛楚辭與天地兮
比壽菊坡叢話唐明皇在東都正月望夜移仗上陽宮

設蠟炬連屬不絕結采繒為燈樓高五十丈垂以珠玉
風動鏘鳴燈有龍鳳虎豹之狀士民縱樂初止三五從
又增十七十八兩夜當時惟王
古丞奉和聖製一詩括盡時事

奉和聖製與太子諸王三月三日龍池春禊應制

大唐六典初上居協聖東有舊井忽涌為小池周
袤纔數尺黃龍出其中至景龍中其沼浸廣遂鴻
洞為龍池焉蓋符命之先也長安志龍池在躍龍
門南本是平地自垂拱初載後因雨水流潦成小
流後又引龍首渠波分溉之日以滋廣至景龍中
彌亘數頃深至數丈常有雲龍之祥後因謂之龍
池此詩公與陳希
烈作見同詠集

故事修春禊新宮展豫遊明君移鳳輦太子出龍樓賦

掩陳王作杯如洛水流金人來捧劍畫鷁出

一作去

迴舟

苑樹浮宮闕天池照冕旒宸章在雲表

一作漢

垂象滿皇

州

周禮女巫掌歲時祓除釁浴鄭注如今三月三日上巳往水上之類韓詩三月桃花水下之時鄭國之俗

三月上巳於溱洧兩水上執蘭招菟續鬼祓除不祥也晉書禮志漢儀季春土巳官及百姓皆禊於東流水上

洗濯祓除去宿垢而自魏以後但用三日不以上巳也江總詩上巳娛春禊新宮即興慶宮也後漢書鳳輦赤

質項輪有玉柱緋羅輪水絡帶門簾皆繡雲鳳唐書制輦有七一曰大鳳輦漢書成帝紀上急召太子出龍樓

門張晏曰門樓上有銅龍若白鶴飛廉之為名也三輔黃圖按漢宮闕疏故龍樓門上有銅龍本名直門雍錄

龍樓門者桂宮之門也水經追書皆曰直門即龍樓門非也沈約齊王碑龍樓之門以峻曲水詩序出龍樓而

問豎魏志曹植武帝第三子也死謚曰陳思王作洛神賦洛神溺於洛水植有所記而賦焉晉書束皙傳昔周公卜成洛邑因流水以泛酒故逸詩曰羽觴隨波流武帝嘗問掣虞三日曲水之義虞對曰漢章帝時平原徐肇以三月初生三女三日俱亡村人以為怪乃招攜水濱洗祓因水以泛觴帝曰必如所談便非好事又秦昭王以三日置酒河曲見金人捧水心之劍曰令君制有西夏乃霸諸侯淮南子龍舟鷁首司馬相如賦注鷁水鳥畫其象於舟首以厭水怪三輔黃圖昭帝始元元年穿淋池刻飛鷁翔鷁飾於船首晉書王濬修船艦畫鷁鳥怪獸於船首以懼江神庾肩吾詩開橋通畫鷁莊子北溟者天池也東京賦然後浚天池此亦借用晉書禮志上已天泉池事冕

疏注見七古駢體

奉和聖製上巳於望春亭觀禊飲應制

新唐書地理志萬年

縣有南望春宮臨漣水西岸有北望春宮宮東有
廣運潭長安志禁苑在宮城之北苑內有南望春
亭北望春亭雍錄南北望春亭在禁苑東南高原
之上舊記多云望春宮其東正臨漣水也未幾漣
瀾二水沙泥衝壅潭不可漕付司農掌之為捕魚
之所故公詩末云瀾漣亦朝宗可見二水正在望
春亭下也地理志望春
亭在漣水旁隋文帝建

長樂青門外宜春小苑東樓開萬戶上輦過一作人向百花

中畫鷁移仙妓一作伎金貂列上公清歌邀落日妙一作妍

舞向春風渭水明秦甸黃山入漢宮君王來被襖灞漣

亦朝宗三輔黃圖長樂宮本秦之興樂宮也在雍州櫟陽縣漢高帝始居櫟陽七年長樂宮成徙居長

安長安志第三門名曰霸城門外郭門曰青門亦曰青
城門漢書武帝廣開上林南至宜春鼎湖上林賦注宜
春宮名在渭南杜縣東也史記云葬二世杜南宜春苑
中宜春下苑即今京城東南隅曲江池是括地志秦宜
春宮在雍州萬年縣宜春苑在宮之東杜之南國史補
昔漢武帝幸芙蓉園即秦之宜春苑也梁簡文帝詩推
輪抵長樂複道向宜春故公亦以長樂對宜春也樂府
詩集題曰浣紗女云長樂青門外宜春小苑東樓開萬
戶上人向百花中人向二字稍異又作唐張說詩萬首
絕句亦收入五絕題曰浣紗女漢書谷永對詔曰戴金
貂之飾董巴與服志漢侍中冠金璫附蟬貂尾侍左者左珥侍右者
右珥尚書注王者之後稱公故曰上公翟方進奏春秋
之義尊上公謂之宰夏統別傳仲御從父家女巫清歌
妙舞狀若飛仙劉孝綽詩燕姬奏妙舞鄭女發清歌周
禮雍州其浸渭洛山海經注渭水出隴西首陽縣鳥鼠

同穴山漢書槐里有黃山之宮西山經注今始平槐里縣有黃山上故有宮漢惠帝所起黃園黃山在京兆興平縣西三十里武帝徵行西至黃山宮即此也水經澇水出京兆藍田谷北入於灊地理志澇水出南陵縣之藍田谷出西南莽谷東北流注澇水澇水又北歷藍田川北流至於灊水三輔黃圖灊水出藍田谷西北入渭澇水亦出藍田谷北至灊陵入灊子虛賦終始灊澇注金溝之水入灊澇如江河朝宗於海毛詩沔彼流水朝宗於海尚書注春見曰朝夏見曰宗

奉和聖製幸玉真

一作霄非

公主山莊因題石壁十韻

之作應制

唐書玉真公主字持盈始封崇昌縣主俄進號上清玄都大洞三景師天寶三

載上言曰先帝許妾捨家今仍叨主第食租賦誠願去公主號罷邑司歸之王府玄宗不許又言妾

高宗之孫睿宗之女陛下之女弟於天下不為賤
何必名繫主號資湯沐然後為貴請入數百家之
產延十年之命帝知主意乃許之古樓觀紫雲行
慶集玉真公主與金僊公主俱入道今樓觀南山
之麓有玉真公主祠堂存焉俗傳其地曰邱宮以
為主家別館之遺址也然碑誌湮沒圖經廢舛惟
開元中戴璇樓觀碑有玉真公主師心此地之語
而王維儲光義皆有玉真公主山莊山居之詩則
玉真祠堂為觀之別館審矣因盡錄唐人題詠刻
之祠中元祐二年歲在丁卯七月望日河東薛紹
彭題

碧落風煙外瑤臺道路賒如何連帝苑別自有仙家此
地迴鑿駕緣溪轉翠華洞中開日月牕裏發雲霞庭養

沖天鶴溪留上漢槎種田生白玉泥竈化丹砂谷靜泉
逾響山深日易斜御羹和石髓香飯進胡麻大道今無
外長生詎有涯還瞻九霄上來往五雲車

碧落注見五
古應制楚辭

望瑤臺之偃蹇兮鮑昭詩集君瑤臺裏注瑤玉也以玉
設臺也上林賦建翠華之姜蕤注以翠羽為葆也天台
賦王喬控鶴以沖天博物志近世人有居海渚者年年
八月有浮槎去不失期人有奇志立飛閣於槎上多齋
糧乘槎而去十月餘至一處有城郭狀屋舍甚嚴遙望
宮中有織婦見一丈夫率牛渚次飲之牽牛人乃驚問
曰何由至此此人為說來意并問此是何處荅曰君還
至蜀都訪嚴君平曰某年某月有客星犯牽牛宿記其
年月正是此人到天河時也水經注無終山有陽雍伯
玉田在縣西北今猶謂之玉田陽搜神記雍伯汲水作

義漿於阪頭行者共飲之三年有一人就飲以石子一斗與之使至高平好地有石處種之玉當生其中又語汝後當得好婦種其石數歲時時往視玉子生有徐氏右北平著姓女甚有名時人求多不許雍伯乃試求徐氏徐氏因戲云以白璧一雙來當聽為婚雍伯至所種石中得五雙白璧以贄徐氏遂以女妻雍伯天子異之拜為大夫於種玉處四角作大石柱各一丈中央一項地名曰玉田化丹砂注見五古田廬名士傳王烈服食養性祛康甚信敬之隨入山烈嘗得石髓柔滑如飴即自服半餘半取以與康皆凝而為石列仙傳叩疏黃石髓而服之謂之石鍾乳本草石髓生石窟有白有黃彌佳矣仙經曰神仙五百年一開其中石髓出得而服之壽與天相畢庾信詩石髓香如飯齊諧記永平中剡縣有劉晨阮肇入天台山采藥迷失道路糧盡下山得澗水飲之中有胡麻飯屑二人因過水度一山出大溪見二女顏色絕妙便喚姓名直問郎等來何晚因邀過家

下胡麻飯山羊脯食之甚美莊子至大無外謂之大也
又云吾生也有涯而知也無涯封禪書文成言上欲與
神通宮室被服非像神人不至乃作畫雲氣車索隱云
畫青車以甲乙畫赤車以丙丁畫玄車以壬癸畫白車
以庚辛畫黃車以戊己畫禮志又五色安車其車各
如方色所謂五時副車俗謂五帝車也即五雲車也庾
信詩北屬五雲車

和僕射晉公扈從溫湯

劉校本注云時為古補闕唐書宰相表天寶元年八

月壬辰林甫為尚書左僕射其臣傳帝推功大臣
封林甫晉國公三秦記驪山西有溫湯先以三牲
祭乃得洗不祭則爛人肉俗既云秦始皇與神女
戲不以禮神女唾之生瘡始皇怖謝乃為出溫泉
湯洗之立愈抱朴子水有溫泉之湯池漢魏以來
相承云能蕩邪蠲疫今在新豐縣西長安志溫湯

在臨潼縣南驪山之西北雍州圖溫湯在新豐縣界漢武帝故事曰驪山湯初始皇砌石起宇至漢武又加修飾焉唐年小錄開元十年置溫泉宮天寶六載改為華清宮驪山上下益治湯井增起臺殿環列山谷明皇歲幸焉唐驪山宮圖驪山溫泉自秦漢周隋相繼崇飾唐貞觀中始營卿湯天寶六載築羅城於湯所置百司公卿邸第治湯為池開元遺事華清宮中除供奉兩湯外別有長湯十六所嬪御之類浴焉明皇雜錄上於華清宮新廣一湯以玉魚龍鳧雁石梁石蓮花獻雕鏤尤巧上因幸解衣將入而魚龍鳧雁皆奮鱗舉翼狀若飛動上因恐却之及觀帝紀云開元二年九月戊申幸溫泉十月戊午至自溫泉凡書幸溫泉者八月復紀至自之文

天子幸新豐旌旗渭水東寒

一作遠

山天仗裏溫谷幔城

中奠玉羣仙座焚

一作薰

香太乙宮出遊逢牧馬罷獵有

非熊上宰無為化明時太古同靈芝三秀紫陳粟萬廂

紅王禮

一作玉禮

尊儒教天兵小戰功謀猷歸哲匠詩賦屬

文宗司諫方無闕陳詩且未工長吟吉甫頌朝夕仰清

風

白虎通天子者爵稱也王者父天母地為天之子也援神契天覆地載謂之天子蔡邕獨斷天子正號之

別名車駕所至民臣被其德澤以為僥倖故曰幸也雍州園溫湯在新豐故首句云云新豐注見五古送別按

唐書帝紀開元元年十月己亥幸溫湯甲辰獵於渭川呂向傳天子數校獵川向又獻詩規諷故次句云云通志漢中府寒山在畧陽縣百一里常有積雪天仗注見五古宮闕西征賦湯井溫谷注即溫泉也地理志溫水

谷在渭水之南劉義恭詩春都壯溫谷庾肩吾詩離舟
卷幔城周禮九器禮神之玉也會要天寶九載詔禮神
六器宗廟奠玉並用真玉諸祀用珉史記毫人謬忌奏
祀太乙方曰天神貴者天一太乙於是天子立其祠長
安東南郊索隱曰宋均以為天一太乙北極之別名春
秋緯曰紫極之別名正義太乙神名天之尊也天文志
天極星其一明者太乙也漢書李少翁於甘泉宮中畫
太乙諸鬼神像鵠冠子注太乙天皇大帝也東都賦注
太乙星名天之尊神通志太乙宮在太乙山谷中漢元
封初南山谷間雲氣融結隱然成象武帝於此建宮莊
子黃帝將見大隗乎具茨之山方明為御昌寓騶乘張
若隰朋前馬昆閭滑稽後車至於襄城之野七聖皆迷
無所問塗適遇牧馬童子問塗焉曰若知具茨之山乎
曰然若知大隗之所存乎曰然黃帝曰異哉小童非徒
知具茨之山又知大隗之存乎請問為天下小童曰夫
為天下者亦若此而已矣又奚事焉史記太公於渭水

之濱垂釣周文王出獵前期卜之曰所獵獲之物非熊
非羆非虎非蛟乃帝王之師文王至渭水見太公因與
之語乃與同載而歸容齋隨筆自呂翰蒙求有呂望非
熊之句後來据以為用然以史策考之六韜文王將田
史編布曰田於渭陽將有大為非龍非影非虎非羆兆得
公侯天遺汝師史記云云崔駰達旨注文乃引史記為
證非熊出處惟此而已風俗通春秋之義尊上公謂之
宰言海內無不統焉謝靈運詩上宰奉皇靈本草紫芝
一名得本芝陶隱居云狀如木檣名為紫芝爾雅疏云一
歲三花一名茵一名芝論衡云芝生於土土氣和故芝
草三瑞漢書注三秀芝草也楚辭采三秀於山間思立
賦冀一年之三秀兮嵇康詩煌煌靈芝一年三秀謝惠
連詩靈芝望三秀漢書文帝紀今聞史乘當受鬻者或
以陳粟食貨志太倉之粟陳陳相因賈捐之傳太倉之
粟紅腐而不可食注粟久腐壞則色紅赤也又云陳久
舊也吳都賦紅粟流行毛詩乃求萬斯箱注箱車箱也

宋書王儉留意王禮造次必於儒教長楊賦天兵四臨
注言兵威之盛如天也稱天者重其威也唐書張嘉貞
請置天兵軍於并州又聖歷元年八月為天兵五道大
總管以擊突厥殷仲文詩哲匠感蕭辰注哲知也匠謂
善宰萬物者後漢崔駰傳崔為文宗世擅雕龍宋書徐
陵所製為一代文宗左傳司諫掌萬民之德南都賦朝
無闕政禮記命太師陳詩以觀民風顏延年
詩陳詩愧未妍毛詩吉甫作誦穆如清風

朝省

春日直門下省早朝

文苑英華唐詩紀事並以此
首與五古五律早朝詩同紀

晉書給事黃門侍郎俱管門下眾務故謂之門下
省唐書帝紀開元元年十二月改門下省為黃門
省四年九月復黃門省為門下省百官志時謂尚
書省為南省門下中書省為北省亦謂門下省為

左省中書為右省或通謂之兩省通典舊制宰相
常於門下省議謂之政事堂長安志唐門下省在
左古延明門東南又門下省在日華門東南六典
門下省有給事中四人古補闕右拾遺各一人時
公歷官拾遺補
闕正隸門下省

騎省直明光雞鳴謁建章遙聞侍中珮閣識令君

一作公

香玉漏隨

一作催

銅史天書拜

一作問

夕郎旌旗映閭闔歌

吹滿昭陽官舍梅初紫宮門柳欲黃願將遲日意同與

聖恩長

秋興賦敘寓直於散騎之省世說新語桓玄將
改置直館問左右虎賁中郎省應在何處有人

荅曰無省當時殊忤旨問何以知無荅曰潘岳秋興賦
叙云云明光注見七古歌行建章注見五律禁省宋書

禮志侍中左古常侍皆珮水蒼玉中華古今注玉珮之法漢末喪亂而不傳至魏侍中王粲識古珮之法更制焉襄陽記劉季和性愛香常如廁還輒過香爐上曰荀令君至人家三日坐席猶香楊訓詩香逐令君衣渾天儀制鑄金銅人為胥徒居壺之左右以左手把箭右手指刻以別天時之早晚也陸倕刻漏銘銅史司刻晉起居注叅詳永安宮銅漏刻置漏刻史漢書靈帝紀注黃門侍郎每日暮入對青瑣門拜謂之夕郎三輔黃圖宮之正門曰閭闔高二十五丈亦曰壁門注閭闔天門也宮門名閭闔者以象天門也恨賦歌吹四起昭陽注見五古宮殿史記周昌見諸賓客隨之者千餘乘邯鄲官舍皆滿漢書何並從潁川太守妻子不至官舍本草上林有雙梅紫梅

上張令公

唐書宰相表開元十年四月甲子張說為中書令職官志中書令二員掌軍國

之政令高允為中書令魏文帝重之不名呼為令
公初唐因隋制以三省之長中書令侍中尚書令
共議國政號為宰相張說傳說字道濟玄宗
召為中書令封燕國公贈太師謚曰文貞

珥筆趨丹陛垂璫上玉除步簷青瑣闥方幘畫輪車市
閱千金字朝開五色書致君光帝典薦士滿公車伏奏
迴金駕橫經從石渠從茲罷角抵且復幸儲胥天統知
堯後王章笑魯初匈奴遙俯伏漢相儼簪裾賈生非不
遇汲黯自堪踈學易思求我言詩或起予嘗從大夫後
何惜隸人餘

崔駰奏記珥筆持牘杜預表珥筆丹陛韻
會珥耳璫又樹於後曰珥鮑昭歌垂璫散

珮盈玉除隋書禮儀志禮圖曰璫綴於革帶楚辭曲屋步欄直授畜上林賦步欄周流注長廊也青瑣闥注見五律送別紀少瑜詩方慙屢移陰畫輪注見五律弔輓史記呂不韋乃使其客人著所聞集論以為八覽六論十二紀二十餘萬言號曰呂氏春秋布咸陽市門懸千金其上延諸侯游士賓客有能增損一字者予千金楊修牋呂氏淮南字直千金鄴中記石季龍置戲馬觀上有詔書五色紙著鳳口中鳳既銜詔待人放數百丈緋繩輓轡回轉鳳皇飛下鳳以木作之五色漆畫皆用金翰林志吐蕃宰相以下書用五色麻紙則唐初尚因用之劇秦美新是以帝典闕而不補褚淵碑光我帝典漢書東方朔侍詔公車注公車令屬衛尉上書者所詣百官志公車司馬令一人掌宮南闕門凡吏民上章四方貢獻及徵詣公車者三輔黃圖注公車主受章疏之處漢書陳橋為尚書令明帝幸至尚書門橋問曰陛下欲何之帝曰欲按行文書爾橋曰此臣職分非陛下所

宜臨若不稱職則請就黜帝慚回車顏延年詩金駕總
駟注金駕天子車也即金輅也漢書詔諸儒講五經異
同於石渠閣三輔黃圖石渠閣蕭何造其下磬石為渠
以導水若今之御溝因以為閣名所藏入關所得之圖
藉至於成帝又於此藏祕書焉三輔故事石渠閣在未
央大殿之北磬石為渠以導水史記秦二世作角抵優
俳之觀注戰國時稍增講武之禮以為戲樂秦更角抵
戲前漢書注角者角技也抵者相抵觸也名此樂為角
抵者兩兩相當角力角技藝射御蓋雜技樂也漢書貢
禹奏罷角抵諸戲又云武帝先作迎風館後加露寒儲
胥二館三輔黃圖在雲陽甘泉中長楊賦注儲胥藩籬
也擁禽獸使不得出也高其儲畜以待所須藩落之類
也史記漢興承敝易變得天統矣漢書贊漢承堯運協
於火德得天統矣班固史述贊注言高祖承堯之後也
十一月天統漢承堯緒為火德典引注漢為堯後故班
生將引堯事以述漢德左傳晉侯朝請隧不許曰王章

也檀弓夫魯有初漢書王商長八尺餘體甚鴻大容貌
絕人單于來朝仰視遷延却退天子聞而歎曰此真漢
相矣漢書賈誼傳馮敬之屬乃短賈生曰專欲擅權紛
亂諸事天子後亦疏之論語以吾從大夫之後李端詩
還從大夫後吾黨亦光輝岑參詩吾從大夫後歸路擁
旌旗俱用論語句儀禮隸人溫厠左傳隸人牧圉隸人
之藏

閒居

沈十四拾遺新竹生讀經處同諸公之作

閒居日清靜修竹自

一作復

檀欒嫩節留餘籜新叢出舊

闌細枝風響亂疎影月光寒樂府裁龍笛漁家伐釣竿

何如道門裏青翠拂仙壇

閒居注見五律宴集謝朓詩
檀欒映修竹長笛賦近世雙

笛從羗起羗人伐竹未及已龍鳴水中不見已截竹吹
之聲相似注慈姥山竹作簫笛有妙聲故歷代常給樂
府又呼為鼓吹山毛詩簞簞竹竿以釣於淇古詩種竹
深井中三年乃為竿白氏長慶集題行云不用裁為鳴
鳳管何須截作釣魚竿傲公二意永嘉記小江綠岸有
仙石壇有竹蟬娟青翠風來枝動拂石壇壇上無塵也
陰鏗詩青翠不驚
寒衝嶺拂仙壇

河南嚴尹弟見宿弊廬訪別人賦十韻

漢書郡國志河南尹

周公時所城雒邑也世祖都雒陽改曰河南尹百
官志河南尹一人主京都特奉朝請嚴尹即嚴武

也注見五
津題下

上客能論道吾生學養蒙貧交世情外才子古人中冠

上方簪

一作安

旁車邊已畫熊拂衣迎五馬垂手憑雙童

花醪

一作醴

和松屑茶香透竹叢薄霜澄夜月殘雪帶春

風古壁蒼苔黑寒山遠燒紅眼看東候別心事北山

一作

同為

一作若

學輕先輩何能訪老翁欲知今日後不樂為

車公

古辭結交莫羞貧晉書武帝問王戎曰夷甫當世誰比戎曰未見其比當從古人中求耳後漢與服

志法冠一曰柱後高五寸以緋為展筩鐵柱卷執法者服之或謂之獬豸冠獬豸神羊能辨曲直楚王嘗獲之故以為冠秦滅楚以其君冠賜法冠宋書禮志獬豸冠侍御史廷尉正監平執法官皆服之又云施珠兩枚為

解豸角形法官服之異物志東北荒有獬豸一角性忠
見人闕則觸不直者聞人言則咋不正者楚執法者所
服也漢志刺史車畫熊於軾後漢列侯伏熊軾皐蓋與
服志公侯倚鹿伏熊黑轡五馬注見五律宴集魏武帝
詩西山有雙童蜀都賦觴以醪清注酒清謂之醪松屑
注見五古釋氏淮南子窮谷之滄生以蒼苔沈雲卿詩
薄霜沾上路殘雪繞離宮對法頗合漢書注燒草下水
種稻草與稻並生高七八寸因悉芟去復下水灌之草
死獨稻長也國史補雅相推敬謂之先輩通典唐世舉
人呼已第者為先輩其自目則曰前進士魏文帝黃初
五年立太學初詣學者為門人滿一歲試通一經補弟
子滿二歲試通二經者補文學掌故不通經者聽須後
試故後試稱先試而得第者為先輩者由此也車公注見五律酬寄

春過賀遂員外藥園

唐李華賀遂員外藥園小山池記賀遂公衣冠之鴻鵠執

憲起草不塵其心夢寐以青山白雲為念庭際有
砥礪之材礎礩之璞立而像之衡巫堂下有畚鍤
之均圩填之凹陂而象之江湖種竹藝藥以佐正
性鑿井引汲伏源出山聲聞地中尋竇而發泉躍
波轉而盈沼支流脉散而滿畦一夫躡輪而三江
逼戶十指攢石而羣山倚蹊其間有書堂琴軒置
酒娛賓卑痺而敬若雲天尋丈而豁如江漢文士
目為詩園趙郡李華舉其畧而記之觀此則賀遂
藥園之勝槩可知矣

前年槿籬故新作藥欄成香草為君子名花是長卿水

穿盤石透藤繫古松生畫

一作書

畏開厨走來蒙倒屣迎

蔗漿菰米飯藟醬露葵羹頗識灌園意於陵不自輕

通志

畧木槿五月始華其花朝生暮落亦可作籬故謂之槿
籬本草所義木槿如小葵花淡紅色五葉承一花南北
人家多種植為籬障沈約詩槿籬疎復密荆扉新復故
資暇集謂園庭中藥欄欄即藥藥即欄猶言圍援也乃
引漢宣帝詔曰池籬未御幸者假與貧民誤以藥為藥
遂穿鑿為說蘇林曰析行以繩連綿為禁藥使人不得
往來楚辭注香草以喻君子逴齋閒覽楚辭所詠香草
曰蘭曰蓀曰菰曰葍曰葍曰芷曰荃曰蕙曰薰曰薜蘿
曰江蘿曰杜若曰杜衡曰揭車曰留夷釋者但一切謂
之香草而已離騷辯證大抵古之所謂香草必其花葉
皆香而燥濕不變蜀本圖經徐長卿苗似小麥兩葉相
對三月苗青七月八月著花通志畧徐長卿曰別仙蹤
曰鬼督郵苗如小麥子似蘿摩莖如箭幹葉如嫩蓋花
生葉心蕭子雲賦長卿晚翠簡子秋紅續晉陽頗長康
曾以一厨畫寄桓玄皆其絕者深所珍惜悉糊題其前
玄乃發厨取之見封題如初畫並不存直云妙畫通靈

變化而去如人之登仙矣南史徐廣傳時有高平郗紹亦作晉中興書數以示何法盛法盛有意圖之紹不與至書成在齋內厨中法盛詣紹紹不在直入竊書紹還失之無復兼本於是遂行何書按劉本作畫則用顏事吳本作書則用何事但二字相近未知孰是漢書皇甫規聞王符至遂倒屣而迎又云太尊柘漿折朝醒招魂賦鵬鵠炮羔有柘漿西京雜記菰之有米長安謂之雕胡爾雅米芡謂之雕胡可作飯南越傳使唐蒙風指曉向越南越侯食蒙以菰醬蒙問所從來荅曰道出番禺城下漢書音義柘木似穀樹其葉如桑葉用其葉作醬酢美蜀人以為珍味按晉灼枸音巨劉德云枸樹如桑其椹長二三寸味酢取其實為醬美小顏云枸者緣木而生非樹也廣志云枸色黑味辛下氣消穀說文果也按本草似玉爪蔓生子長大辛香苗為留藤實似桑椹皮黑肉白食之辛香蜀都賦所謂蒟醬吳都賦所謂東風扶留草木狀蒟醬華芡也生於蕃國者大而紫謂之

華莢生於番禺者小而青謂之蒟蒻可以為食故謂之
醬焉顏氏家訓梁世有蔡朗諱純既不涉學遂呼蓴為
露葵面牆之徒述相倣倣承聖中遣一士大夫聘齊齊
主客郎李恕問梁使曰江南有露葵否荅曰露葵是蓴
水鄉所食者今綠葵菜耳李亦學問但不測彼之深淺
乍聞無以覆究爾雅翼古者葵稱露葵又終葵一名繁
露今摘葵必待露解風賦為臣黃露葵之羹七啓霜苗
露葵沈約詩匹彼露葵羹高士傳陳仲子夫妻逃去為
人灌園漢鄒陽書於陵
子仲辭三公為人灌園

韋侍郎山居

唐書韋抗者安石從父之子弱冠舉
明經累官太子左庶子為益州大都

督府長史授黃門侍郎抗歷職以清儉不治產及
終無以葬玄宗聞之特給轎車贈太子少傅謚曰
貞所辟舉如王維王縉顧殷等皆一時選云長安
志安興坊街東尚書左僕射鄜國公韋安石宅即

其故居也故詩以青門長樂朝
謁為言以其居近京城故耳

幸忝君子顧遂陪塵外蹤閒花滿巖谷瀑水映杉松啼
鳥忽臨澗歸雲時抱峯良遊盛簪紱繼迹多夔龍詎枉

青門道胡聞長樂鐘清晨去朝謁車

一作鞍

馬何從容

劉植

黎陽山賦良遊未厭謝靈運詩良遊匪晝夜夔龍注見
五古田廬青門注見五律居處史記呂后使武士縛信
斬之長樂鐘室前漢郊祀志長樂宮鐘及筍簾銅人皆
生毛長二寸許王臺新詠序厭長樂之疎鐘愚管記觀
唐人所稱長樂鐘往往有之如李白云長樂聞疎鐘錢
起云每聞長樂鐘又云長樂鐘聲花外盡劉長卿云長
樂舊鐘聲李商隱云長樂遙聽上苑鐘劉禹
錫詩今夜初聞長樂鐘朝謁注見五古四時

山中示弟

山林吾喪我冠帶爾成人

別是
一種

莫學嵇康懶且安原憲

貧山陰多北戶泉水在東鄰緣合妄相有性空無所親

安知廣成子不是老夫身

莊子南郭子綦曰今者吾喪我汝知之乎毛詩注冠以上

為成人禮記冠而字之成人之道也絕交書不涉經學性復疎懶莊子子貢乘大馬中紺而表素軒車不容巷往見原憲原憲華冠縱履杖藜而應門子貢曰嘻先生何病原憲應之曰憲聞之無財謂之貧學而不能行謂之病今憲貧也非病也子貢逡巡而有愧色吳都賦開北戶以向日宗炳釋白黑論緣合而有本自無有宗鏡錄緣合而生因緣不具般若經如實知色色自性空乃至如實知識識自性空楞伽經性自性空是故說法自

性空神仙傳廣成子古之仙人也居空同山石室之中
皇帝聞而造焉老子內傳老子先天而生在伏羲時號
鬱華子在軒轅時號廣成子陸德明云廣成子或云即
老子別號葛稚川曰老子無世不出數易姓名初出於
上三皇時號玄中法師出於下三皇時號金闕帝君出
皇帝時號力牧子又號廣成子出周文王時為守藏史
號支邑先生出周武王時為柱下史號郭叔子出
於漢初號為黃石公出於漢文帝時號河上公

濟州過趙叟家宴

公左降濟州司倉倉軍時作

雖與人境接閉門成隱居道言莊叟事儒行魯人餘深
巷斜暉靜閒門高柳疎荷鋤修藥圃散帙曝農書上客
搖芳翰中廚饋野蔬夫君第高飲景晏出林閭

任昉啓
雖曰人

境實少浮喧陶潛詩結廬在人境北史蕭太園云畜雞
種黍應莊叟之言禮記哀公曰敢問儒行莊子魯以儒
哀公曰舉國儒服何謂少乎莊子曰何不號於中國無
此道而為此服者其罪死於是無敢儒服獨一丈夫儒
服而立乎公門公即召而問以國事千轉萬變而不窮
莊子曰以魯國而儒者一人耳可不多乎說文帙書衣
也謝靈運詩散帙問所知前漢藝文志農九家百十四
篇農家者流蓋出於農稷之官此皆農書也唐志中和
節百官進農書以示務本夫君注見五律送別顏延年
詩林間時晏開爾雅野外謂之林周禮注閭里門也

田家

舊穀行將盡良田

一作苗

米可希老年方愛粥卒歲且無

衣雀乳青苔井雞鳴白板扉柴車駕羸牸草屨牧豪

一作

膏
豨多雨紅榴折新秋綠芋肥餉田桑下憇旁舍草中

歸住處名愚谷何煩

一作君煩

問是非

鹽鐵論新穀熟者舊穀謂之虧陶潛詩舊

穀猶儲漢書翟義傳請陂下良田齊民要術苗獨生草穢爛皆成良田養生論夫田種一畝十斛謂之良田曹

植詩良田無晚歲廣雅粥糜饘也釋名粥濯於糜粥粥然也毛詩無衣無褐何以卒歲古詩游子寒無衣白居易

易詩老飢初愛粥瘦冷早披裘正做此意傳休矣詩雀乳井中張景陽詩青苔依空墻左傳注柴車也韓詩外

傳齊子曰臣賴君之賜駕馬柴車後漢書趙壹獨柴車注柴車弊惡之車也車之不裝飾者即棧車也陸厥詩

柴車畏危轍晉書桓溫傳頗聞劉景升有千金大牛噉芻豆十倍於常牛負重致遠曾下若一羸牸炙穀子夏

商以草為僑高士傳何點常躡草屨山海經注豪豬能以頭上豪射人也列子注楚人呼豬為豨方言南楚謂

之豨長楊賦抱豪豨注獸名南詔傳蠻射豪豬生食其
肉皎然詩式有事無事第四格王維田家云夕雨紅榴
折云云是也前漢書高祖適從
旁舍來愚谷注見五律游眺

王右丞詩集卷六

王右丞詩集卷七

唐王維撰

明顧起經注

五言排律

仙梵

和宋中丞夏日遊福賢觀天長寺即陳左相宅所

施之作

唐書宋璟耿介有大節好學工文辭舉進士中第為監察御史遷鳳閣舍人後遷左

臺御史中丞進無吏部尚書卒贈太尉謚文貞宰
相表天寶六載三月甲辰陳希烈為左相兼兵部
尚書舊唐書陳希烈者宋州人也精玄學書無不
覽開元中玄宗留意經義得希烈常於禁中講老
易累遷兼兵部尚書左相封潁川郡開國公祿山
之亂與張垆達奚珣同掌賊之機衡六等定罪希
烈當斬肅宗以上
皇素遇賜死於家

已相殷王國空餘尚父溪釣磯開月殿築道出雲梯積
水浮香象深山鳴白雞虛空陳妓樂衣服製虹霓黑

一作

墨點三千界丹飛六一泥桃源勿遽返再訪恐君迷

尚書

爰立作相莊子傳說得之以相武丁毛詩維師尚父蔡
邕曰天下尊之稱為尚父尚父溪即磻溪也水經渭水

之石磻溪水注之水出南山茲谷即太公釣處又汲縣
西北有石夾水飛湍峻急人謂之磻溪太公嘗釣於此
謝莊賦即月殿庾信詩月殿夕無霏尚書注傅巖有潤
水壞道當使胥靡刑人築護北道說代胥靡築之以供
食也墨子公輸般為楚造雲梯將以攻宋荊州記靈溪
水有雲梯言仙人昇天因雲而上溫子昇寺碑大地淪
於積水涅槃經如彼駛河能漂香象又十雪山白象力
不如一香象力雲笈七籤致神僊之道當養白犬白雞
犬名曰白靈雞名曰白精陶隱居云學道之人居山宜
養白雞可以辟邪論墓書養白雞令識其主聲形以五
月五日九月九日任意用五色絲長五寸繫雞頸將雞
於名山放雞着山仰頭呪曰必存鳴晨雞心開悟華嚴
經於空虛中散諸天華作衆妓樂出微妙音寶雨經於
空虛中奏天伎樂海龍王經妓樂於虛空中不鼓自鳴
無量清淨覺經如遮迦越王萬鍾妓樂音聲尚復不如
第二忉利天上諸妓樂一音聲好百千億萬倍也如忉

利天上萬鍾妓樂之聲尚復不如第六天上諸妓樂一
音聲好百千萬倍也俱於虛空中大共作衆音自然妓
樂曹植書帶紅蜺以為紳此服非不美也舞賦袖如素
蜺楚辭素雲衣兮白蜺裳春秋元命苞雄曰紅雌曰霓
長阿含經乃至三千世界一時俱壞世界空虛猶如黑
穴法華經三千大千土皆悉以為墨乃下一塵點如是
展轉點盡此諸塵墨上清經真丹秘訣先以黃丹三五
斤漸築令實約厚五寸坐合子當中心更下丹輕築都
大令實取鼎為度不計斤數然後以六一泥泥鼎丹房
頃知藥泥十四日黃土蚌粉石灰赤石脂食鹽古六味
各一兩為末水調用之名六一泥雲笈七籤作六一泥
法礬石戎鹽酒醎礬石古四物分等燒之二十日止復
取左顧牡蠣赤石脂滑石凡七物分等視土釜大小自
在令足以泥土釜耳合治萬杵訖置鐵器中猛下火九
日九夜藥正赤復治萬杵下細篩和以醇醪苦酒合如
泥名曰六一泥桃源注見七古歌行按此詩首言傳說

次言尚父皆借傳呂比陳左相也蓋左相既亡有已相
空餘之歎故鈞磯句承呂望言見尚父鈞磯已開月殿
則知其宅今為天長矣築道句承伊尹言正見傳說築
道已出雲梯則知其宅又為福賢矣又指月殿詠釋家
指雲梯詠道家如香象白雞妓樂虹霓墨點丹飛等語
類以仙梵之辭對待為聯耳前四句為左相追傷之意
後八句敘寺
觀真境之勝

贈東嶽焦鍊師

唐六典道士修行德高思精者謂之鍊師故當時凡稱學道者皆曰

鍊師云廣異記唐開元中有焦鍊師修道聚徒甚衆有黃裙婦人自稱阿胡就焦學術經三年盡焦之術而固辭去焦苦留之阿胡云已是野狐本來學術今無術可學義不得留焦因欲以術拘留之胡隨事酬答焦不能及廼於松頂設壇啓告老君立因禮拜陳云正法已為妖狐所學當更求法以

降之老君迺於雲中作法有神王於雲中以刀斷
狐腰焦大歡慶老君忽從雲中下變作黃裙婦人
而去李頎集有寄焦鍊師詩王昌齡集亦有謁焦
鍊師詩李白集贈焦鍊師序云嵩山有神人焦鍊
師者生於齊梁其年貌可稱五六十常胎息絕穀
居少室廬游行若飛倏忽萬里今訪道少室灑翰
遙贈意太白生平公後而鍊師尚在況其
云生齊梁居嵩少與公首句正合因錄之

先生千歲

一作載

餘五嶽遍曾居遙識齊侯鼎新過王母

廬不能師孔墨何事問長沮玉管時來鳳銅盤即釣魚

竦身空裏語明目夜中書自有還丹

一作丹砂

術時論太素

初頻蒙露版詔時降軟輪車山靜泉逾響松高枝轉疎

支

一作
楮

願問樵客世上復何如

神仙傳有青精先生傳
言千歲色如童子列仙

傳安期先生賣藥於東海邊時人皆言千歲翁後漢書
王真年且百歲周流登五嶽名山神仙傳墨子周遊五
嶽不止一處劉京周流名山五嶽劉根曰仙道有遊行
五嶽者漢紀上有古銅鼎以問李少君少君對曰此器
齊桓十年陳於柏寢下案其刻銘果齊桓公器東觀漢
記廬江獻鼎詔召鄭衆問齊桓公之鼎在柏寢臺見何
書春秋左氏有鼎事幾衆對狀除郎中穆天子傳穆王
東升大人之堂西燕王母之廬曹植仙人篇東過王母
廬劉孝標論聞孔墨之挺生容齋續筆列子載惠盎見
宋康王曰孔丘墨翟無地而為君無官而為長鄒陽上
書曰以孔墨之辯不能自免於讒諛賈誼過秦云非有
仲尼墨翟之知徐樂云非有孔魯墨子之賢韓文公著
讀墨子一篇云儒墨同是堯舜同非魏鄭公南史梁論
亦有抑揚孔墨之語高士傳長沮桀溺不知何許人也

耦而耕孔子過之使子路問津焉列仙傳蕭史者秦穆公時人也善吹簫穆公有女字弄玉好之公遂以女妻焉日教弄玉作鳳鳴居數年吹似鳳聲鳳凰來止其屋公為作鳳臺夫婦止其上不下數年一旦皆隨鳳凰飛去故秦人為作鳳女祠許氏說文舜祠下得笙王管夫以玉作音故神人以和鳳凰來儀也漢書左慈字元放廬江人也少有神道嘗在司空曹操坐操從容顧衆賓曰今日高會珍羞略備所少吳松江鱸魚耳慈於下坐應曰此可得也因求銅盤貯水以竿餌釣於盤中須臾引一鱸魚出操大驚神仙傳河上公漢文帝時結草菴河上帝讀老子有不解遣使問之公曰道尊德貴非可遙問帝幸其菴問曰普天之下莫非王臣不能自屈無乃高乎公即坐躍冉冉在空中去地數丈曰余上不至天中不至人下不至地何臣民之有帝乃下車稽首公授素書一卷遂失所在神仙傳彭祖曰仙人者或竦身入雲斑固傳能坐空虛之中與人言語神仙傳東郭延山

陽人李少君以五帝六甲竊飛之行授延延遂還家合
服靈飛散能夜書坐寢室中身生光明照耀左右又能
見數十里內小物知其形在鄉里四百餘歲不老一旦
有數十人乘虎豹來迎升崑崙也老子內傳受元君還
丹伏火水汞液金之術凡七十二篇西山記廣成子以
朱砂為丹鍊之九轉而曰神丹陳七子七寶丹砂鍊之
九轉而曰靈丹劉安王以童子小便鍊之七轉而曰還
丹參同契色轉更為紫赫然成還丹列子太素者質之
始也白虎通形兆既成名曰太素張綽詩太素既已分
漢書明帝紀詔曰安車輶輪注以蒲罽輪蔡邕獨斷天
子事三老使者安車輶輪送迎而至家吳志魯肅傳更
以安車輶輪徵肅曰氏帖輶輪車蒲輪安車也北史齊
帝曰上馬能擊賊下馬作露版績博物志露布捷書之
別名以帛書揭之竿魏武奏事謂之露版集覽露版以
木簡為書不封之謂之露版漢李雲
露市上書即此也支願注見五古

贈焦道士

焦道士或即前焦鍊師也錢起集有省中春暮酬嵩陽焦道士一首又題嵩陽

焦道士石壁詩乃知公素與仲文賡倡而焦道士必其同時為方外之交者

海上遊三島淮南預八公坐知千里外跳向一壺中

每作

清素可貴縮地朝珠闕行天使玉童飲人聊割酒送客乍分

風奇

天老能行氣吾師不養空

有誤

謝君徒雀躍無可問

鴻濛

好○史記封禪書齊威宣燕昭使人入海求蓬萊方丈瀛洲此三神山諸仙人及不死之藥皆在焉

及至秦始皇并天下至海上方士言之不可勝數使人
乃齋童男女入海求之其明年始皇復遊海上至瑯琊
歸後二年遊碣石考入海方士後五年始皇南至湘山
登會稽並海上冀遇海中三神山之奇藥不得還神仙

傳淮南王安召天下方術之士有八公詣門皆鬚眉皓
白門吏先密以白王王使難問之曰我王尚欲求延年
長生不老之道今先生年老似無駐顏之術八公笑曰
聞王尊禮賢士故遂致其身何以年貌逆見嫌耶王必
若見年少今則少矣言未竟八公皆變為童子年可十
四五色如桃花門吏走白王王迎登思仙之臺執弟子
禮北面叩首頌道君哀憐八童子復為老人曰吾一人
能坐致風雨畫地為江湖撮土為山嶽一人能束虎豹
致蛟龍役神鬼分形易貌一人能入火不灼入水不濡
刀射不中一人千變萬化恣意所為行宮易室一人能
煎泥成金凝水為銀水鍊八石飛騰流珠乘雲駕龍浮
於太清之上在王所欲時雷被伍被誣告安反天子使
宗正持節治之八公曰可以去矣即白日昇天八公與
安所踏山上皆陷成蹟安臨去問八公曰可以將交親
俱至彼便遣還否八公曰但不得過五人即以左吳王
春傳生等五人至玄洲便遣還淮南要略養士數千高

材者八人蘇非李尚左吳田由雷被伍被毛被晉昌號
曰八公抱朴子或問知將來吉凶為有道乎答曰用明
鏡七寸自照有所思存七日則見神仙知千里外事也
神仙傳壺公者不知其姓名也汝南費長房為市掾市
中見此翁來賣藥懸一壺於肆頭及市罷輒跳入壺中
市人莫之見惟長房於樓上觀之異焉因往載拜奉酒
脯翁知長房之意其神也謂之曰子明日可更來長房
旦日復詣翁翁乃與俱入壺中唯見玉堂嚴麗旨酒甘
散盈衍其中共飲畢而出水經注昔費長公見王壺公
懸壺郡市長房從之同入此壺神仙傳壺公遺費長房
一符能縮地脉坐客在家至市買鮮一日之間人見之
千里外者數處真仙適鑑萬仙公名玄字孝先赤烏元
年蒙太上節次三頒錫命遣天吏告下福庭給真仙玉
童玉女各五百人侍直左執九耀之華幡古捧洞玄之
真經龍旂虎節遊行上清九宮一年三朝太上玄都玉
京金闕太上錫命天帝承書一如三天故典奉行北史

源懷性不飲酒而喜以飲人葛仙公傳途次遇親朋輒
邀止折草割樹汁以杯盛之流通如泉杯滿即止勸客
飲皆旨酒也神仙傳左慈求去曹公為設酒慈曰今當
速適願乞分杯飲酒公曰善是時天寒溫酒尚未熱慈
解釵以攪酒須臾釵都盡如人磨墨狀初曹公問慈求
分杯飲酒謂慈當使公先飲以餘與慈耳而慈拔釵以
畫杯酒酒即中斷分為兩向慈即飲其半送半與公公
視杯而已失慈矣後漢書樂巴傳廬山有神與人語言
飲酒投杯能令宮亭湖中分風船行舉帆相逢荊州記
宮亭湖神有靈驗能使湖中分風而帆南北三寶感通
傳靈帝建寧三年安世高有同學死為宮亭湖神能使
逆船分風上下水經注宮亭山廟其神能分風劈流行
旅之行過必祀而後得去故曹毗詠云分風為翦劈流
為兩列子黃帝既寤召天老力牧太山稽古之注天老
三人黃帝相也帝王世紀黃帝以天老配中台韓詩黃
帝乃召天老而問之張衡應問方將師天老而友地典

論語摘輔象天老受天籙枕中記凡欲求仙大法有三
一曰保精二曰行氣三曰服餌漢書賈誼傳養空而浮
注道家養空虛若浮舟也莊子雲將東遊過扶搖之枝
而適遭鴻濛鴻濛濛濛方將拊脾雀躍而遊雲將見之倘然
止翫然立曰叟何人邪叟何為此鴻濛拊脾
雀躍不輟對雲將曰遊雲將曰朕願有問也

過盧貞外宅看飯僧共題七韻

盧貞外即象也
注見五古題下

三賢異七賢

一作聖

青眼慕青蓮乞飯從香積裁衣學水

田上人飛錫杖檀越施金錢趺坐簷前日焚香竹下煙

寒空法雲地秋色淨居天身逐因緣法心過次第禪不

須愁日暮自有一燈燃

後漢書王充王符仲長統三人
者同傳時謂之後漢三賢故唐

韓昌黎集有後漢三賢傳贊三首孫綽僧史以七人配
德嵇阮號竹林七賢水經注魏阮籍嵇康晉王戎向秀
劉伶阮咸等同居山陽結自得之遊時人號之為竹林
七賢晉書阮籍又能為青白眼見禮俗之士以白眼對
之及嵇喜來弔籍作白眼喜弟康聞之乃齎酒挾琴造
焉籍乃見青眼維摩詰經目淨修廣如青蓮晉書佛圖
澄取鉢盛水燒香呪之鉢中生青蓮花光色曜人維摩
詰經維摩詰從香積佛取飯於舍食者一切毛孔皆香
要覽佛住王舍城經行見稻田畦畔分明語阿難云諸
佛衣相如是從今依此作衣相增輝記田畦貯水生長
嘉苗法衣之田潤以四利之水增其三善之苗以養法
身惠命也章服儀云條堤之相事算田疇之畦貯水而
養嘉苗譬服此衣生功德也佛令象此義不徒然通塞
志普通元年四月八日梁帝服田衣北面敬禮韻語陽
秋山谷詩多用稻田衲亦云田衣王摩詰詩云裁衣學
水田又云香帔稻畦成豈用是耶誌公傳誌公與白鶴

道人欲之同謀於梁武帝帝以二人悉具靈通俾各以物識其地得者居之道人云某以鶴止處為記誌公云某以卓錫為記已而鶴先飛去至麓將止忽聞空中錫飛聲誌公之錫遂於山麓道人不得然以前言不可食遂各以所識之處築室焉廬山法師影堂碑法師始飛錫南嶺天台賦應貞飛錫以躡虛普廣經檀越來請衆僧楞嚴經心中初求衆後檀越以為齋主雜辟喻經共大檀越僧肇論賢劫稱無捨之檀天竺言檀此言布施無量清淨覺經願分檀布施法苑珠林阿育王宮有一婢使見王作福偶因掃地得一銅錢即施衆僧不久病終託阿育王夫人腹中為女出世王抱膝上摩手取開有一金錢隨取隨生而無窮盡須臾之間金錢滿藏楞伽經注所謂陳那羅即金錢也華嚴經大地品第十法雲地首楞嚴經慈陰妙雲覆涅槃海名法雲地因果經五淨居五那含聖人所生涅槃經樂智慧者入五淨居毗曇論過淨居天有十住菩薩涅槃經小因緣故生於

小想大因緣故生於大想無量故生於無量想維摩詰
經因緣法化衆生涅槃經從初禪出入第二禪次第至
非非想處三世志壞三禪者當災起時下地諸趣有情
及六欲二禪次第得生三禪時有一天自然得四禪定
餘天聞之皆入此定得生四禪家教典志釋籤云次第
禪門即禪波羅密涅槃經明從燈出住在異處彼燈光
明與暗共住如暗室中然一燈時照則不了乃至多燈
乃得明了若初燈破暗則不須後燈若須後燈當如初
明維摩詰經譬如一燈然百
千燈冥者皆明明終不盡

與蘇盧二負外期遊方丈寺而蘇不至因有是作

文苑英華緯略品
彙並作王昌齡詩

共仰頭陀行能忘世諦情迴看雙樹闕相去一牛鳴法

向空林說心隨寶地平手巾花氎淨香帔稻畦成聞道

邀同舍相期宿化城安知不來往翻得似

一作以得

無生

楞嚴

經或見頭陀第一如大迦葉頭陀寺碑文以法師景行
大伽葉故以頭陀為稱首天竺言頭陀此言抖擻抖擻
煩惱故曰頭陀楞嚴經注頭陀新云杜多此翻抖擻同
覺要覽梵語云杜多漢言抖擻謂三毒如塵空真心此
人能振揮除去故今叱稱頭陀法華經行頭陀者是名
疾得大灌頂神呪經當有比丘學頭陀遊行山間傳燈
鉢尊者先問彼衆曰此徧行頭陀能修梵行大寶積經
舍利佛言文殊師利法界體性無有世諦第一義諦涅槃
第一義諦說為世諦如告比丘吾今此身有老病死云
又世尊第一義中有世諦不世諦之中有第一義世諦
人知者名為世諦經又云如來背痛於雙樹間西域記

阿育王起浮屠於佛泥濕處雙樹及塔此樹名婆羅樹
其樹華名婆羅法也會要志穆王五十三年壬申二月
十五日佛在俱尸那城婆羅雙樹間入般涅槃高僧傳
淨名杜口於方丈釋伽絨嘿於雙樹經音一牛鳴地其
聲五里西域記印度國分一踰繕那為八拘盧舍拘盧
舍者謂大牛鳴聲所極聞翻譯名義此云五百弓亦云
一牛吼地或云一鼓聲拘舍云二里雜寶藏云五里佛
經黃金七寶為地摩尼珠為林法華經說是法時若在
空閒林中寶積經於四十二億歲在空林中常行梵行
謝靈運詩空林響法鼓華嚴經無量阿僧祇寶地莊嚴
首楞嚴經即時如來引手於几取劫波羅天所奉華巾
於大眾前綰成一結示阿難言此名何等阿難大眾俱
白佛言此名為結於是如來綰疊花巾又成一結重問
阿難此名何等如是倫次綰疊花巾總成六結一一結
成皆取手巾所成之結又云寶疊花緝績成巾南史高
昌國有草實如繭其中絲如細縷名曰白氎國人取之

織以為市泊宅編木綿紡績為布名曰吉貝當以花多
為勝南蠻織為巾上繖花卉尤工巧即古所謂人名白
疊巾緯略王昌齡詩手巾花疊淨香帔稻畦成按漢書
所謂荅巾注曰白疊也吳時外國傳曰諸簿國安子織
作白疊花巾王昌齡所用者此也南史曰高昌國有草
實如蘭中絲為細縑名曰白疊安子國人取以為布甚
為輒白其言甚明也香帔注見前首史記司馬相如病
免客游梁梁孝王令與諸生同舍法華經以方便力於
險道中化作一城若入城快得安穩是時疲極之衆心
大歡喜於是衆人前入化域爾時導師知此人衆既得
止息無復疲倦即滅化城語衆人
言向者大城我所化作為止息耳

投道一師蘭若宿

剎錄載公此詩題曰宿道一上
方院意道一乃剎人也傳錄

江西道一禪師漢州什邡人也姓馬氏容貌奇異
牛行虎視引舌過鼻足下有二輪文幼歲依資州

唐和尚落髮受具於渝州圓律師唐開元中習禪
定於衡巖傳法院遇讓和尚同參九人唯師密受
心印大歷中隸名於開元精舍法運通塞志貞元
四年江西馬祖道一禪師亡師得法於南嶽讓師
大藏一覽南嶽第一世江西馬祖道一大師也唐
文粹張正南衡山般若等碑序云故大弟子道一
之門人曰惟寬懷暉又云一公見性同德弘教鍾
陵鬱為名家再揚木鐸而施及寬暉權德輿碑叙
石門山大師馬氏諱道一代居德陽生有異表舌
廣長以覆準足文理而成字初落髮於資中進具
於巴西後聞衡嶽讓禪師傳教於曹溪造請一言
嘗禪誦於撫之西襄山又南至於虔之龔公山化
緣既周趺坐報盡時貞元四
年二月春秋八十夏臘六十

一公棲太白高頂出雲

風一作

煙梵流諸壑

洞一作

遍花雨

一峯偏迹為無心隱名因立教傳鳥來還語法客去更

安禪畫涉松露盡暮投蘭若邊洞房隱深竹清夜聞遙

泉向是雲霞裏今成枕席前豈唯暫畱宿服事將窮年

水經注太白山在武功縣去長安二百里俗云武功太白去天三百於諸山最為秀傑冬夏積雪望之皓然唐

志鳳翔郿縣有太白山錄異記金星之精墜於終南山峯西因號太白山地理志太白山在洋州真符縣四百

五十里山面隸鳳翔府山背屬真符峨眉縣阿含經天兩名華翻翻而降高僧傳法蘭出大梵音天雨寶花雜

寶積經老婆羅門前行憇樹下見鸛雀口中銜草語諸鳥言我等若相憐集會一處而共住止爾時諸鳥皆信

其言而來聚集楞嚴經當為此丘室中安禪法華經偈安禪各掌華疑經注阿蘭若此云閒靜處若音惹釋氏

要覽云蘭若者梵言阿蘭若唐言無諍回分律云空靜處薩婆多論云閒靜處智度論云遠離處大悲經云阿蘭若者離諸忽務也數說不同其實無異唐書會昌年毀蘭若四萬餘所湘素雜記私造者為招提蘭若杜牧南亭記所謂山臺野邑是也上林賦巖變洞房

青龍寺曇壁上人兄院集

公與王昌齡裴迪縉作見前同詠集敘云江寧

大兄即昌齡也

吾兄大開蔭中明

一作朝

徹物外

一作獨

以定力勝敵以惠

用解嚴深居僧坊傍俯人里高原陸地下映芙蓉之池

竹林果園中秀菩提之樹八極氛

一作氣

霽萬景塵息太

虛寥廓南山為之端倪皇州蒼茫渭水貫於天地經行
之後趺坐而閒升堂梵筵餌客香飯不起而遊覽不風
而清涼得世界於蓮花記文章於貝葉時江寧大兄持

片石命維序之詩五韻坐上成

般若經五力者四曰定力無盡意經定力遠離

憤關大寶積經彼定力受生舍利子所謂定力者立相
上位魏志趙儼傳曹仁解嚴漢書注謂解散兵嚴也蓋
勝敵解嚴皆以兵事喻佛法也涅槃經王造立僧坊文
殊師利我當何時出家住僧坊中雜寶積經舍衛國長
者修德浮圖及與僧坊通塞志北周武帝保定三年沙
門道安作二教論用郭邑作僧坊魏書釋老志佛圖故
處鑿為濛汜池種芙蓉於中瓔珞經有寶浴池一池中
生七百蓮花維摩詰經高原陸土不生青蓮芙蓉並華

卑濕洿田乃生此華增壹阿含經佛在羅閱城迦蘭陀
竹園所佛在釋迦闍婆梨果園西都賦竹林果園維摩
詰經有以菩提樹而作佛樹楞嚴經坐菩提樹入大涅
槃又於此耆闍崛山中樹悉皆當如佛菩薩樹即見諸
樹如菩提樹一一樹下皆見菩薩諸菩薩樹大寶積經
無量受佛有菩提樹高十六由旬枝葉垂布八億由旬
樹本隆起高五千由旬周圍亦爾其條葉花果常有無
量百千種種妙色珊瑚為根琉璃為幹黃金為枝碼碯
為葉唐會要菩提樹一名皮羅葉似白楊西陽雜俎菩
提樹出摩伽陀國在摩訶菩提寺蓋釋伽如來成道時
樹一名思惟樹莖幹黃白枝葉青翠經冬不凋至佛入
滅日變色凋落過已還生至此日國王人民大作佛事
收葉而歸以為瑞也樹高四百尺已下有銀塔周迴繞
之彼國人四時常焚香散花繞樹作禮唐貞觀中頻遣
使往於寺設供併施袈裟至顯慶五年於寺立碑以紀
聖德此樹梵名有二一曰賓撥梨力叉二曰阿濕曷叱

婆力又西域記謂之卑鉢羅以佛於其下成道即以道
為稱故號菩提婆力又漢翻為樹淮南子八紘之外乃
有八極魏都賦逍遙八極天台賦太虛遼廓而無閭注
太虛混氣也遼廓廣遠也漢書秦地有南山即秦嶺是
也莊子反覆終始不知端倪鮑昭明詩表裏望皇州謝朓
詩春色滿皇州三輔黃圖渭水貫都以象天河大寶積
經相見如來向經行處是第二地又云是鹿苑中經行
之處又云衆僧隨意所樂為造經行之處雖寶積經爾
時王舍城頻婆娑羅王便於如來經行之處造一講堂
趺坐注見五律梵字天台賦遊覽既周清涼注見五古
苦熱唐書西域傳梵天法書貝多葉以記事南蠻傳訶
陵有文字以貝多葉寫之道學傳女真黃道憐初入龍
山造宮宇號曰玄耀有若神三壇東南忽生一樹狀如
龍蓋周匝一壇五葉相對時人莫識呼為貝葉唐書文
藝傳王昌齡字少伯江寧人也第進士補秘書郎又中
宏詞不護細行貶龍標尉以世亂還鄉里為刺史閭丘

曉所殺時稱
王江寧云

高處敞招提虛空詎有倪坐看南陌騎下聽秦城雞渺

渺孤煙起芊芊遠樹齊

甚壯第非是招提本色

青山萬井外落日

五陵西眼界今無染心空安可迷

釋典記梵言拓闢提奢猶華言四方僧物

也後人傳寫之訛以拓為招去闕奢畱提故稱招提今十方寺院是也增輝記招提菩薩皆古佛號故寺謂之招提或名伽藍或名道場其實一也白馬寺記天竺國有伽藍名招提其處大富有惡國王利於財將毀之有白馬繞塔悲鳴即停毀自後改招提為白馬諸處多取此名焉梁孝武時吳興沙門僧瑜初於廬山建招提寺謝靈運亦於石壁山建招提寺北魏書太武始光元年勅天下寺改名招提地理志秦城在隴州南三里秦非

子養馬汧渭之間有功周孝王命為大夫居此至德公
遷於雍歷穆公以下又十七世至孝公始徙咸陽所謂
秦踐華山以為城是也籍田賦碧色肅其芊芊謝靈運
詩連樹暖阡阡漢書宣帝葬杜陵文帝葬霸陵高帝葬
長陵景帝葬陽陵武帝葬茂陵昭帝葬平陵良曰杜陵
霸陵在南今五陵皆在北故曰五陵顏師古曰長陵安
陵陽陵茂陵平陵此為五陵而霸杜皆不與文殊師利
問經如眼界色界眼識界斷欲界染出三有染相聲者
相者五欲眾具欲界相色染色界相無色染無色界瓔
珞經分明識性亦無所染維摩詰經法名無染若染於
法非求法也傳錄婆蘭陀曰依教
無染此名戒行於法無染名之為靜

遊化感寺

按寺在藍田縣舊唐書方技傳云義福
初止藍田化感寺又公與裴迪書云山

中憇感化寺與山僧飯
訖而去想即其時耳

翡翠香煙合琉璃寶地

殿一作

平龍宮連棟宇虎穴傍簷

楹谷靜惟松響山深無鳥聲瓊峯當戶拆金澗透林鳴

郢路雲端迴秦川雨外晴鴈

一作鳳非

王啣果獻鹿女踏花

行

若用禮記鹿女婢

抖擻辭貧里歸依宿化城繞籬生野蕨空

館發山櫻香飯青菰米嘉蔬綠芋羹

一作紫笋莖

誓陪清梵

末端坐學無生

華嚴經香煙雲充滿十方百萬位梁簡文帝詠煙詩欲持翡翠色大寶積經惟

是清靜大菩薩爾去來坐立於琉璃地法華經國名離垢琉璃為地有八交道黃金為繩蓮華經國名寶生其地平正無高下坑坎堆阜琉璃為地又云地平如掌琉璃所成漢書西域傳罽賓國有流離師古曰大秦國出

赤白黑黃青綠縹紺紅紫十種流離此蓋自然之物今俗所用皆銷冶石汁為之北史大月氏傳魏太武時商販自云能鑄石為五色流離即京師鑄之過美於西方者龍宮注見五古高僧傳佛調八石穴虎窟中宿虎還共卧窟前調謂虎曰我奪汝處有愧如何虎迺彈耳下山水經注秦水出大隴山秦谷歷三泉合成一水而歷秦川川有秦亭秦仲所封也唐志函谷西至隴底相去千里曰關中亦曰秦川三秦記長安正南秦嶺嶺根水流為秦川一名樊川文獻通考周武王以岐豐之地賜秦襄公至秦孝公作為咸陽築冀闕徙都之故謂之秦川亦曰關中也雜寶藏經迦尸國有五百鴈為羣侶爾時鴈王名曰賴吒鴈王有臣名曰素摩時此鴈王為獵師捕得五百羣鴈皆棄飛去惟有素摩隨逐不捨語獵師言請放我王以身代之獵師不聽遂以鴈王獻梵摩曜王鴈王曰惟賴大王放一切鴈使無所畏五百羣鴈在王殿上空作聲時王問言此是何鴈鴈王言是我

家屬王即施無畏不聽殺鴈西域記昔有比丘見羣鴈飛翔忽有一鴈投下自殞佛曰此鴈王也宜旌彼德乃瘞鴈建塔雜寶藏經仙人所生女子端正殊妙唯脚似鹿梵志取之養育長成梵志事火使火不絕此女宿火小不用意便令火滅此女恐怖畏梵志瞋離此住處此女往彼乞火梵志見跡跡有蓮花要此女言遠我舍七匝當與汝火即如其言取火而去時梵豫國王出遊行尋花跡至梵志所求索此女梵志與王立為第二夫人為時有身大夫人生妬招喻鹿女左右多與財寶日月滿足便生千葉蓮花西域記伽藍比有仙人隱居巖谷仲春之月鼓濯清流麋鹿隨飲感生女子姿貌過人唯脚似鹿仙人見已收而養焉後令求火至於仙廬足所履地跡皆有蓮花彼仙見已深奇之令其統廬方乃得火鹿女依命得火而還楞嚴經注頭陀新言杜多此翻抖擻要覽抖擻貪欲嗔癡三界內外不敢不捨名杜多維摩詰經憶念我昔於貧里而行乞時法華經往至

貧里以求衣食文殊師利問經悉是邪歸依勝安穩歸
依涅槃經如來亦爾有常法故則有歸依羯磨經歸依
佛者歸於法身法華經有一導師善知險道通塞之相
衆人欲過此難白導師言我等疲極前路猶遠今欲退
還導師慰彼捨大珍寶以方便力於險道中化作一城
是時疲極之衆心大歡喜前入化城生安穩想菰米注
前閒居禮記稻曰嘉蔬注嘉善也江賦捷自然之嘉蔬
傅亮賦覃潤於嘉蔬前漢書翟方進傳童謠曰懷陂誰
翟子威飯我豆食羹芋魁注以芋根為羹也柳子厚詩
香飯春菰米珍蔬折五茹做此二句庾信詩清梵兩邊
來無生注見
五律居處

遊悟真寺

文苑英華又玄集作王綰詩劉校本唐
音記事品彙並收入綰詩長安志崇法

寺即唐悟真寺也在藍田縣東南二十里王順山
白居易有詩述其靈後改名長慶集詩略云我游

悟真寺寺在王順山去山四五里先聞水潺湲回首寺門望青崖夾朱軒如擘山腹開置寺於其間余嘗覽續高僧傳載釋淨業惠超俱在終南山藍谷悟真寺唐高僧傳又載釋法誠雍州萬年人幼小出家終南山悟真寺又止藍田王效寺繼請釋道宣所撰三寶感通錄因錄悟真寺二事於後唐永徽年雍州藍田東悟真山寺寺居藍田谷之西崖有僧於寺北澗更修別院大石橫礙甚為妨害乃以火燒水沃之令散終無以致便以鐵椎打破石中獲金像一軀四邊無縫天然裹甲不知何來像跌全具非解合作又不知是何珍寶高五尺今在山寺又子午關南大秦嶺竹林寺者貞觀初採蜜入山行聞鐘聲尋路而至大秦戍具告防人依言往覓過小竹谷達於崖下有鐵鎖長三丈許防人曳鎖掣之上有二大蟲據崖頭向下大呼其人怖值大洪雨便返藍田悟真寺僧歸真少小山棲

聞之云此竹林去關可十五
許里而悟真寺正在其下也

聞道黃金地仍聞白玉田
擲山移巨石呪嶺出飛泉
猛

虎同三逕愁猿學四禪
買香燃綠桂乞火踏

一作塌

紅

一作作

青蓮草色搖霞上松聲汎月邊
山河窮百二世界滿三

千梵宇聊憑視

一作平覽

王城遂渺然灞陵纔出樹渭水欲

連天遠縣分諸

一作朱

郭孤村起白煙望雲思聖主披霧

憶羣賢薄宦慙尸素終身尚擬玄
誰知草菴客曾和柏

梁篇

維摩詰經佛說法於菴羅樹園其地忽然皆出金色維摩詰經給孤長者以黃金側布於祇園地釋

氏鑑二祖阿難陀復於洹河中流化成金地范子計然
曰玉英出藍田西都賦爰有藍田珍玉是出西征賦山
挺藍田之玉法苑珠林健陀勒者本西域人來至洛洛
東南有盤鵠山山多巨石不可平遂擲錫示衆云此山
寺基也即鑿之果得寺基衆共驚歎因共此修立焉釋
氏道鑑訶羅竭晉武帝太康九年至洛呪治疫疾十差
八九後入婁至山以脚碾石水出清美惠帝元康八年
坐化高僧傳曇無讖中天竺國人也西域號為大呪師
後隨王八山王渴須水不得懺通密呪石出水遂使枯
石生泉長慶集詠悟真寺云又有一片石大如方尺磚
挿在半壁上其下萬仞懸號為定心石長老世相傳又
云百丈碧潭衣日夜長潺潺或鋪為榜流或激為奔湍
東崖饒怪石積甃蒼琅玕中頂最高峯拄天青玉竿意
即詠此石與衆也高僧傳釋竺曇猷移始豐赤城山石
室坐禪有猛虎數十蹲在猷前猷誦經如故一虎獨睡
猷以如意扣虎頭問何不聽經猷而羣虎皆去大寶積

經菩薩至於空處修習四禪涅槃經四禪內外過患一切皆無阿毗曇經自初禪至四禪立為四地長阿含經有覺有觀定生喜樂入於初禪滅有覺觀內信一心無覺無觀定生喜樂入第二禪離喜修捨念進自知身樂諸聖所求憶念捨樂入第三禪離苦樂行先滅憂喜不苦不樂捨念清淨入第四禪又第一禪除滅覺觀內信歡喜歡心專一無覺無觀定生喜樂行第二禪捨喜守護專念不亂自知身樂賢聖所求護念樂行第三禪捨滅苦樂先除憂喜不苦不樂護念清淨行第四禪捨遺記王母果至與昭王遊於燧林之下說炎帝鑽火之術取綠桂之膏燃以照夜張協詩尺爐重尋桂雜寶藏經虎女夫人緣雪山邊有一仙人名提婆延是波羅門種常墮石穴有一雌虎來舐小便即有娠生一女子華嚴其母既能行腳踏地處皆蓮花出婆羅門法夜恒宿火偶值一夜火滅至他處會從乞火他人見其蹟有蓮花得火還值鳥提延王遊獵見彼舍人有七重蓮花王恠

而問即答王言山中梵志女見是女姝妙語仙人云與
我此女王遂立為夫人王大夫人甚妬虎女其後不久
生五百卯漢書注帶河山之險秦得百二焉應劭曰所
以能禽諸侯者得天下之利百二也虞喜曰百二者得
百之二蘇林曰百二得百中之二焉秦地險固二萬人
足當諸侯百萬人也雍錄田肯曰秦得百二齊得十二
其語簡隱故諸家之說紛然師古獨取蘇林其說曰秦
地險固二萬人足以當百萬人也齊得十二言得二十
萬人則可當百萬人也予恐此說未然也肯謂百二也
者言地據險而人力倍苟得百矣則其力可二是得百
人則其力倍之如二百人也即無二萬足當百萬之文
也至謂齊得十二理亦猶是也若定其讀則當以得百
為一句而二焉自為一句也是其所從以為百二者也
齊得十二者猶云得十人則可當二十人也亦當以得
十為一句而二焉自為一句則是得十而能二之其義
自明也夫得百而二之以為十二皆其人半而力可倍

正一理矣而必更易其語如此詰屈者別有理也秦險
之出國境遠矣自函谷以及潼關近八百里其右阻河
其左並山兩面河山夾險敵來犯關也常在千里之外
故能百而二之以為二百其力可常也通塞志摩騰曰
天竺迦毗羅衛國者三千大千世界起世經如是三千
世界一時同成國語注王城秦地秦河上邑左傳注後
改為武鄉在萬年縣東後漢郡國志京兆萬年有王城
注史記秦厲公伐大荔取其王城即此城也史記索隱
霸是水名即芷陽地也就其水名以為陵號名臣表以
芷陽鄉為霸陵長安志霸陵在萬年縣東北二十五里
霸水之東十三州志曰霸陵秦襄王所築芷陽也漢文
帝更召霸陵邵國志曰在通化門東二十里秦襄王葬
於其坂謂之霸上漢王元年十月至霸上子嬰降文帝
後因為縣王仲宣詩曰南登霸陵岸回首望長安雍錄
水經曰新豐縣西五十里為霸城城西十里為霸水水
西二十里為長安城凡霸城芷陽霸上霸頭霸西霸北

霸陵縣相去皆不踰三二十里皆在白虎原上以其瀨水自原而來故皆繫霸為名陝通志霸陵在西安府城東四十里白鷺原上鳳皇嘴下長慶集題悟真寺詩云渭水細不見漢陵小於拳正與公此聯相合漢書高祖隱於芒碭山澤間呂后與人俱求常得之高祖怪問呂后曰季所居止常有雲氣故從往常得季王命論呂后望雲而知其處唐書玄宗紀嘗出畋有紫雲在其上後從者望而得之以事與漢祖符故公詩及之晉書衛瓘見樂廣曰瑩然若披雲霧而覩青天漢書朱雲傳注尸主也素空也尸位者不舉其事但主其位也素餐者德不稱官空當食祿韓詩何謂素餐素者質人但有質朴無治之才名曰素餐尸祿者頗有知善惡不言苟欲得祿而已辟若尸矣解嘲哀帝時丁傳董賢用事諸附離之者起家至二千石時雄方草創太玄有以自守泊如也人有嘲雄以玄尚白雄解之號曰解嘲神仙傳河上翁漢文帝時結草菴河上逸士傳焦光常結草為菴蓋

公借此自況也言今居草菴之客舊
與柏梁之會柏梁篇注見前慶宴

送行

送禰郎中

劉校本作
徐郎中

東郊春色早驅馬去悠悠況復鄉山外猿啼湘水流島

夷傳露板江館候鳴騶卉服為諸吏珠官拜本州孤鶯

吟遠墅野杏發山郵早晚方歸奏南中纔忌秋

月令迎
春於東

郊注東方八里之郊周弘正詩東郊草色異水經湘水
出零陵始安縣陽海山注孫皓甘露元年立始安郡湘

灘同源分為二水南為灘水北為湘川東北流湘中記
湘水之出於陽朔則觴為之舟至洞庭日月若出入其

中也尚書島夷卉服注草服葛越沈約文卉服滿塗頽
延年詩序卉服之首迴而受吏丈心雕龍露板不封布
諸視聽即露布也於雨露之露初不相涉初學記引春
秋左期云文露布武露沉及宋均云甘露見布敗者人
尚武其說大謬封氏見聞記謂之露板魏武奏事云有
驚急輒露板插羽是也宋沈璞與臧質共拒魏軍軍退
質與璞主城使自上露板仙梵鳴騶注見五古田廬珠
官注見五律送別魏志臧子原書豈悟天子不悅本州
阮瑀書割授江南不屬本州宋書呂僧珍傳武帝欲榮
以本州廼拜南兖州刺史盧湛詩謬充本州役說文郵
境上行書舍也廣雅曰郵驛也華陽國志晉太始六年
初置南中諸郡南中在昔蓋夷越之地侯王國以十數
編髮左衽隨畜遷徙莫能相雄長河圖括
地象以南中為苑囿諸葛亮之平南中

送李太守赴上洛

左傳司馬起豐析與戎狄以臨
上雒竹書記年晉烈公三年楚

人伐我南鄙至於上雒魯連子曰在太華之陰皇甫謐關駟並以為上洛商縣也宋書雍州並有南上洛郡寄治魏興今梁州之上洛是也隋書地理志上洛郡舊置洛州開皇初郡廢大業復置舊唐書上洛漢縣屬弘農郡言在洛水之上故為縣名新唐書地理志商州上洛郡望括地志本契始封地周為豫州之境春秋屬晉後屬秦漢於此置上洛縣晉置上洛郡後魏置洛州後周改為商州隋復為上洛郡唐初復為商州天寶初為上洛郡

商山包楚鄧積翠藹沉沉驛路飛泉灑關門落照深野

花開古戍行客響空林板屋春多雨山城晝欲陰丹泉

通號略白羽抵荆岑若見西山爽應知黃綺心

水經注楚水出

上洛縣西南楚山昔四皓隱商雒縣山也通考漢縣有
商山地理志商洛山在商縣東南九十里亦名楚山即
秦時四皓隱處於楚山也顏師古曰即今之商州舊唐
志隋江都郡之南陽武德四年臧君相歸附立為東楚
州又鄧州隋南陽郡武德二年改為鄧州天寶元年改
為南陽郡乾元元年復為鄧州關門指峽關也晉地道
記峽關當上洛縣西北水經注洛水自枝瀆又東出關
惠水右注之世謂之入關水即經所謂散關郭自南山
橫洛水此屬於河皆關隘也京相璠曰楚道上雒阮道
也漢祖下剡攻武關文穎曰武關古浙縣西一百七十
里弘農界也丹水流入其下毛詩在其板屋注西戎之
板屋也世說新語東府客館是板屋謝景重詣太府時
賓客滿中初不交言直仰視云王乃復西戎其屋山
經曰謹舉之山洛水出焉東與丹水合水經丹水出京
兆上洛縣西南冢嶺山注丹水自倉野又東歷兔和山
又自東南注歷少習出武關呂氏春秋竟有丹水之戰

以服南蠻即此水也通志丹水源出竹山東流入河南
界呂氏曰沛公園宛定南陽至丹水即此漢書陸渾西
有號略地水經注伊水有二源而東注號略在陸渾縣
西九十里也郡國志縣西號略地春秋左氏傳所謂東
盡於號略者也文獻通考號略略唐弘農縣河南道志號
略即今號州唐改為號略略至道三年改為弘農後漢
地理志弘農故楚白羽邑水經云丹水東經浙縣故城
北蓋春秋之白羽也左傳昭公十八年楚使王子勝遷
許於析實白羽是也注於傳時白羽改為析左傳許遷
於白羽正義靈王遷許胡沈道房申於荆荆荆山也楚
滅蔡在十一年許遷於荆山平王復之復其本國許又
歸於葉也故知此年遷於白羽中山經東北百里曰荆
山注今在新城沛鄉縣界雖羣峯競舉而荆山獨秀登
樓賦蔽蔽登山之高岑爾雅山小而高曰岑注言岑峯晉
書王徽之為桓沖騎兵參軍嘗謂徽之曰卿在府日久
此當相料理徽之初不酬答直高視以手板拄頰曰西山朝

來致有英氣耳陳畱志韋使常居園中世謂之園公與
河內軹人角里先生綺里季夏黃公為友避秦入南山
是為四皓陶潛
詩且當從黃綺

送熊九赴任安陽

漢書地理志安陽注侯國莽曰均夏故江國今江亭是隋書地

理志安陽周大象初置改名鄴開皇郡廢復名安陽舊唐書志安陽漢侯國故城在湯陰東晉魏廢安陽併入鄴後周移鄴置縣於安陽故城仍為鄴縣隋又改為安陽縣州所治漢魏郡城在縣北七里

魏國應劉後寂寥文雅空漳河如舊日之子繼清風阡
陌銅臺下閭閻金虎中送車盈灞上輕騎出關東相去

千餘里西園明月同

月賦陳王初喪應劉端憂多暇注應瑒劉楨也魏文帝書徐陳應劉

一時俱逝大戴禮天子不知文雅之辭宋書顏延之遷始安太守殷景仁曰世疵文雅戰國策蘇秦說李兌曰越漳河山經注清漳出少山大壩谷至武安縣南暴宮邑入於濁漳或曰東北至邑城入於大河也地理志漳河其源有二一出山西潞州長子縣名濁漳一出平定州樂平縣名清漳之子注見五律送別阡陌注見七古詠懷魏志建安十五年冬作銅雀臺武帝又令遺令云使妓人置歌樂於臺上臺在臨漳縣鄴故事三臺相去各六十步其上複道相通中央縣絕鑄大銅雀高一丈五尺置之樓頂水經注銅臺高十丈有屋百餘間命諸子登之並使為賦後石虎更增二丈立一屋又於屋上起五層臺高十五丈去地二十七丈又作銅雀於樓巔舒翼若飛南曰金雀臺北曰冰井臺魏書建安十八年九月作金虎臺鑿渠引漳水入白溝以通河地理志金

虎臺在臨漳縣治西南鄴鎮曹操於臺下引漳水入白溝遺址尚在魏都賦注銅雀園西有三臺中央有銅雀臺南則金虎臺北則永臺前漢書疏廣傳送者車數百兩水經注滴水又左合流水歷白虎原東即霸川之西故芷陽矣是之謂霸上漢文帝葬其上謂之霸陵上史記劉敬曰輕騎一日一夜可以至秦中漢書宣帝紀秋大發興調關東輕車銳卒翟方進傳輕騎馳從武關入魏志陳王置西園於鄴與諸才子夜遊賦詩今西園在鄴縣舊治沈約詩西園遊上才注西園謂魏氏鄴都之西園也文帝每以月夜集文人才子共遊於西園

送秘書晁監還

一作歸

日本國

極玄集以此詩為壓卷李太白集有哭晁

卿絕句云日本晁卿辭帝都云云想即晁監也蓋稱監者以晁為秘書猶當時稱賀知章為賀監也今公集中又有送晁監還日本國序一首其內云鯨魚噴浪鶴首乘雲扶桑若薺鬱島如浮等語與

詩義頗合或一時贈別所作唐書東夷傳日本國者倭國之別種也以其日在國邊故以日本為名或曰倭國自惡其名不雅改為日本文獻通考日本即倭在三韓及帶方郡東南大海中依山島為居云自漢武帝滅朝鮮使驛通於漢者五十許國大較在會稽東治之東

積水不可極安知滄海東九州

九州用鄭忌語

何處遠萬里若

乘空向國唯看日歸帆

一作途

但信風鰲身映天黑魚

一作

蜃眼射波紅鄉樹扶桑外主人孤島中別離方異域音

信若為通

呂氏春秋注積水謂海也文子積水成海荀子積水而為海祭法共工氏霸九州周禮疏

曰自神農以上有大九州神州迎州之等至黃帝德不及遠惟於神州之內分九州春秋命歷序人皇氏分九

州神農始立地形史記驕衍曰中國名曰赤縣神州內
自有九州禹之序九州是也中國外如赤縣神州者九
乃所謂九州也若淮南子所謂神次戎弁冀台濟薄陰
陽之名更不侔矣列子乘空如履實水經注俯視游魚
類若乘空矣釋皎然詩式評曰樓煩射雕百發百中如
詩人正律破題之作亦以取中為高手如玉維送晁監
還日本向國唯看日歸帆但信風是也馬戴送朴山人
歸新羅詩浩渺行無極揚帆但信風頗與此句相類列
仙傳巨鰲戴蓬萊山而抃滄海之中爾雅翼鰲巨龜也
說文海大鰲也隋書日本有意寶珠其色青大如雞
卵夜則有光云魚服精也智度論昔人有五百估客下
海採寶值摩伽羅魚王開口見三日出白山羅列一是
實日兩是魚眼白山是魚齒十洲記扶桑在碧海面上
有天帝宮東皇所治樹長數千丈兩兩同根更相依倚
故曰扶桑仙人食其榘體作金色通典扶桑南齊時聞
焉其國有沙門惠深來至荊州說文云扶桑在大漢東

其土多扶桑木葉似桐初生如筍國人食之其實如梨而赤續其皮為布以為衣亦為錦以扶桑皮為紙雲笈七籤東方去中國九十萬里外名為呵羅提之國一名日生國國外有扶桑在碧海之中地一面方萬里上有太帝宮太真王之別治其上生林如桑皆數千丈大者三千圍兩兩同根而生有實赤如桑椹其實皆九千歲一生山海經大荒之中上有扶桑十曰所浴九曰居下枝一日居上枝楚辭注東方有扶桑之木其高萬仞曰下浴於暘谷拂其扶桑暘璵離騷云總轡扶桑東京賦云登天光於扶桑月賦云擅扶桑於東沼思立賦憑雲夕宿扶桑淮南子曰出暘谷拂於扶桑楊炯賦謂扶桑臨於大海李白謂詩為東漢植扶桑竟以扶桑為日西京賦復興與濛汜對說爾雅海中山曰島釋名海中可居曰島島到也人所奔到也亦言島也物所赴如鳥之下也唐書日本在海島中而居左右小島五十餘皆自名其國而臣附之李陵書生為異域之人恨賦絕蕪絕兮

異域樂府辭
若欲寄音信

曉行巴峽

際曉投巴峽餘春憶帝京晴江一女浣

自然好

朝日衆鷄

一作禽鳴水國舟中市山橋樹杪行登高萬井出眺迴二

流明人作殊方語鶯爲舊國聲賴語

一作多

山水趣稍解

別離情

蜀本紀蜀王秀所建三峽明月峽巴峽巫峽蜀都賦注巴東永安縣有高山相對相去可二十

丈左右崖甚高謂之峽五噫歌顧覽帝京兮噫曹植詩在昔懷帝京玄中記東南有桃都山上有大樹名曰桃都枝相去三千里上有天鷄日初出照此木天雞即鳴天下雞皆隨之春秋說題辭南雞爲積陽南方之象故

陽出雞鳴以類感也長門賦衆雞鳴而愁余類延年詩
水國周地險陳定法師詩樹杪鎮搖風方言木細枝謂
之杪萬井注見五律朝省漢書溝洫志蜀守李冰鑿離
峽辟沫水之害穿二江成都中水經注成都縣有二江
雙流其下故蜀都賦云兩江珥其前者也杜預益州記
二江者即江流江也寰宇記秦李冰穿二江於成都之
中皆可行舟今謂內江外江是也舊唐志雙流漢廣都
縣地屬蜀郡隋置雙流縣也蜀都賦帶二江之雙流前
漢書董仲舒曰殊方萬里西都賦殊方異類別國洞冥
記偏國殊方並不在錄左傳許曰余舊圖也杜甫詩郎
伯殊方鎮京華舊國
移與公對語相類

閨情

清如玉壺冰

剡校本題上有賦得二字注云京兆
府試時年十九按鮑昭白頭吟云清

如玉壺冰古詩云瑩如玉壺冰故唐人賦詩多倣此為題同前題作者盧綸潘炎王季友錢象仲並
載文苑
英華

藏冰玉壺裏冰水類方諸

文苑英華宋本並作玉壺何用好偏許素冰居

未共

銷丹日還同照綺疏抱明中不隱會淨外疑虛氣似庭

霜積光言砌月餘曉凌飛鵲鏡宵映聚螢書若向夫君

比清心尚不如

一作若向貪夫比貞心定不如○秦子玉壺必求其以盛左傳申豐曰古者日

在北陸而藏冰禮記季冬天子命有司冰方盛命取而藏之周禮注鏡屬取水者世謂之方諸謂承月取水准南子方諸見月則津而為水注方諸陰燧大珠也熟摩拭令熱月盛時以向月下則水生以銅盤受之下水數

滴注云方石也諸珠也晉天文志方諸可以取水於月
則月精之生水了矣楞嚴經大幻師求太陰精用和幻
藥是諸等手執方諸承月中水西京賦注疏刻穿之也
然刻為綺文謂之綺疏也後漢梁冀第舍寔牖皆有綺
疏注縷為綺文也天台賦瞰日炯晃於綺疏神異經有
夫婦相別破鏡人各執半以為信其妻與人遁鏡化為
鵲飛至夫前夫乃知之後人因鑄鏡為鵲吳筠詩願為
飛鵲鏡晉陽秋車胤家貧讀書不常得油夏月則練囊
盛數十螢以夜繼日
庾信詩流螢夜聚書

雜詩

劉校本與五律絕句雜詩
並錄注云多少疑有誤也

朝因折楊柳相見洛城隅
楚國無如妾秦家自有夫
對人傳玉腕映燭解羅襦
人見東方騎皆言夫婿殊
持謝

金吾子煩君提玉壺

古今樂錄王僧虔技錄云折楊柳行古辭亦有折楊柳四解梁武帝

陳后主江總徐陵謝靈運俱有折楊柳曲三輔黃圖長安城北出東頭第一門曰維城門又曰高門又名鸛雀臺門毛詩侯我乎城隅思舊賦息余駕乎城隅好色賦且夫南楚窮巷之妾焉足為大王言乎古今注邯鄲有美女姓秦名羅敷為邑人王仁妻仁後為趙王家令羅敷出採桑於陌上趙王登臺見而悅之因飲酒欲奪焉羅敷巧彈箏作陌上桑之歌以自明樂府使君自有婦羅敷自有夫定情篇繞腕雙跳脫說文腕本作擊楊雄曰擊握也左傳拔衛侯之手及挽史記淳于髡曰堂上燭滅羅襦謀解古辭滅燭解羅裳梁元帝詩羅襦詎難解古辭陌上桑東方千餘騎夫婿居上頭江總詩識是東方騎盧惠道詩會待東方騎遙居最上頭坐中數千人皆言夫婿殊古辭多謝金吾子

懷悼

和陳監四郎秋雨
中思從弟璩

嫋嫋秋風起
淒淒煙雨繁
聲連鵲觀色
暗鳳凰原
細柳疎高閣
輕槐落洞門
九衢行欲斷
萬井寂無喧
忽有愁霖唱
更陳多露言
平原思令弟
康樂謝賢昆
逸興方

三接衰顏彊
七奔相如今
老病歸守茂
陵園

楚辭嫋嫋
今秋風謝

靈運詩嫋嫋秋風過萋萋春草繁劉長卿詩蕭蕭清秋
莫嫋嫋涼風發白居易詩嫋嫋涼風動淒淒寒露零又
云南浦淒淒別西風嫋嫋秋觀此三聯頗與公首二句
相類漢書注鵲觀在雲陽甘泉宮外三輔黃圖武帝

建元中作石關封蠻鵲觀於苑垣內長安志鵲一作
枝通志鵲觀武帝建元中作拾遺記章帝永寧元年
條支國來貢異瑞有鳥名鵲觀形高七尺解人語按莊
周云雕陵之鵲蓋其類也長安志鳳凰原後漢延光二
年鳳皇集新豐即此原也亦驪山之別麓唐韋嗣立構
別廬於鳳皇原鵲觀谷有重崖洞壑飛流瀑水中宗嘗
臨幸改為清虛原幽棲谷唐驪山宮圖鳳皇原在鴻門
亭左地理志鳳皇原在臨潼縣東北一十里九衢注見
排律慶宴鵲井注見五律禁省謝瞻詩忽獲愁霖唱注
靈運先寄愁霖詩於瞻故有此答魏文帝曹植應瑒俱
有愁霖賦毛詩豈不夙夜為行多露盧諶詩注貞女以
露多而不往喻已悲感而不行也晉書陸機弟雲字士
龍六歲能屬文少與兄機齊名雖文章不及機而持論
過之號曰二陸初機為平原內史其文集內於承明作
與士龍云飲餞豈異旅親戚弟與兄婉孌居人思紆鬱
游子情又贈弟士龍云行行怨路長愁焉傷別促安得

攜手俱契闊成驂服古詩濟濟令弟謝靈運詩末路值
 令弟南史謝靈運祖玄有功晉室靈運為康樂公主孫
 襲封康樂公又謝惠連十歲能屬文靈運嘉賞之云每
 有篇章對惠連輒得佳語嘗於永嘉西堂思詩不就惠
 夢見惠連即得池塘生春草大以為工此語有神助非
 吾語也周易晝日三接左傳至臣請使於吳晉侯許之
 乃通吳於晉吳始伐楚伐曹伐徐子重奔命吳入州來
 子重自鄭奔命子重子反於是乎一歲七奔命璧夷屬
 於楚者吳盡取之相如
 茂陵注見五古四時

哭褚司馬

褚司馬二史無傳或以落句推之唐有
 褚無量在明皇時撰史記至言二十篇

豈即是邪按李白集有贈歷
 陽褚司馬詩或即其人也

妄識皆心累浮生定死媒誰言老龍吉未免伯牛災故

有求仙藥仍餘遁俗杯山川秋樹苦牕戶夜泉哀尚憶

青驪去寧知白馬來漢臣修史記莫蔽褚生才

莊子何荷甘與

神農同學於老龍吉神農隱几闔戶晝瞑柯荷甘日中
夢戶而入曰老龍吉死矣神農隱几擁杖而起曝然放
而笑史記冉耕字伯牛有惡疾孔子往問之自牖執其
手曰命也夫斯人也而有斯疾命也夫又始皇東遊海
上方士徐市等上書請得與童男女入海求三神山不
死藥古詩服藥求神仙琴賦於是避俗之士注遯逃也
謂逃去其俗事歸於立山也神仙傳李少君字雲翼臨
病困武帝自往視使左右受其方書未竟而少君絕既
歛之忽失其所行人有見少君在河東蒲坂市者乘青
驪帝聞之使發其棺惟餘履在耳漢武內傳元封六年
九月少君絕殯百餘日有見少君在河東蒲坂市者乘
青驪帝聞之發其棺棺中無復有後漢書范式字巨卿

少與張劭為友劭字元伯卒式忽夢見元伯呼曰臣卿
吾以某日死當以某時葬永歸黃泉子未我忘豈能相
及式恍然覺悟便服朋友之服數其葬曰馳往赴之既
至塋將窆而柩不進其母撫之曰元伯豈有望邪遂停
柩移時乃見素車白馬號哭而來其母望之心范巨卿
既至式執引柩乃前哀江南賦乘白馬而不前策青驪
而轉礙史記索隱褚先生名少孫元成間為博士滑稽
傳褚先生曰臣幸得以經術為郎郎而好讀外家傳語竊
不避讓復作故事滑稽之語六章以附益上方太史公
之三章此徒有郭舍人東方朔東方先生王生諫襲遂
者及西門豹陳涉世家龜策曰者元侯后妃
等傳及三代表廣陵王策皆褚先生所述也

過沈居士山居哭之

楊朱來此哭桑扈返於真獨自成千古依然舊四鄰閒

簷喧鳥雀故榻滿埃塵曙月孤鶯轉空山五柳春野花

愁對客泉水咽迎人善卷明時隱黔婁在日貧逝川嗟

爾命丘井歎吾身前後徒言隔相悲詎幾晨

列子隨梧之死楊朱

撫其尸而哭潘尼詩楊朱焉往哭莊子子乘扈死未葬
孔子聞之使子貢往待事焉或編曲或鼓琴相和而歌
曰嗟來桑扈乎嗟來桑扈乎而已反其真而我猶為人
注桑扈隱者也解裳羸行以傲夷狄何遜詩山鷺空曙
響庾信詩五柳更應春魏都賦泉流遶集而呌咽北山
移文石泉咽而下愴高士傳善卷者古之賢人也舜以
天下讓卷卷曰予立宇宙之中冬衣皮毛夏衣絺葛日
出而作日入而息逍遙天地之間何以天下為哉遂入
深山莫知其所終列女傳黔婁先生死魯子弔之曰先
生何以為謚妻曰以康為謚魯子曰先生在時食不充

虛衣不蓋形何樂於此而謚於康乎妻曰君嘗欲授之以政以為相國而辭不為是其有餘貴也君嘗賜之粟三十鍾先生不受是其有餘富也其謚為康不宜何也高士傳黔婁先生者齊人也修清節不求進魯恭公聞其賢遣使致禮賜粟三千鍾欲以為相辭不受齊王又禮之以黃金百斤聘為卿又不就終身不屈以壽終論語子在川上曰逝者如斯夫不舍晝夜劉植詩逝者如流水注人命將往如水之流沈約碑文逝川無待維摩詰經是身如丘井中開心分死冀得生天天帝難曰師在當時怖懼丘井中開心分死冀得生天天帝難曰師在井底若不入衣則不得出若不得出自不得生

哭祖六自虛

文苑英華注
云時年十八

否極嘗聞泰嗟君獨不然憫凶纔稚齒羸疾至中年餘

力文章秀生知禮樂全翰留天帳覽詞入帝宮傳國訝
終軍少人知賈誼賢公卿盡虛左朋識共推先不恨依
窮轍終期濟巨川才雄望羔鴈壽促背貂蟬福善聞前
錄殲良昧上玄何辜鍛鸞翮何事與龍泉
一作底事
創又作碎鵬
起長沙賦麟終曲阜編城中君道廣海內我情偏乍失
疑猶見沉思悟絕緣生前不忍別死後向誰宣為此情
難盡彌令憶更纏本家清渭曲歸葬舊塋邊永去長安
道徒開京兆阡旌車出郊甸鄉國隱雲天定作無期別

寧同舊日旋候門家屬苦行路國人憐送客哀終進征

途泥

一作哭

復前贈言為輓曲奠席是離筵念昔同攜手

風期不暫捐南山俱隱逸東洛類神仙未省音容間那

堪生死遷花時金谷飲月夜竹林眠滿地傳都賦傾朝

看樂船羣公咸屬目微物敢齊肩謬合同人旨而將玉

樹連不期先挂劍長恐後施鞭為善吾無矣知音子絕

焉琴聲縱不沒終亦斷悲絃

易繫辭泰者通也物不以終通故受之以否左傳楚

少宰如晉師曰寡君少遭閔凶列子皆擇稚齒媿靖者以盈之後漢郎觀傳子奇稚齒化阿有聲聞居賦兒童

雅齒注爾雅曰稚幼也方言曰稚小也晉書陶潛傳遂
抱羸疾潘岳及僕常侍誅中年隕卒沈雲卿笑蘇眉州
崔司業詩大名齊弱歲高德並中年禮樂羊叔子文章
王仲宣此四句與公意頗相屬前漢王褒傳褒為諫大
夫其後太子不樂詔使褒等皆之太子宮虞侍太子朝
夕誦讀奇文及自造作太子喜褒所為甘泉及洞簫頌
令後宮左右皆誦讀之書斷梁鵠字孟皇安定烏氏人
少好書受法於師宜官以善八分書知名舉孝廉為郎
靈帝重之魏武甚愛其書常懸帳中又以釘壁以為勝
宜官也因學記聞云王羲之傳論師宜懸帳之奇以衛
恒四體書序考之乃梁鵠書也漢書終軍字子雲濟南
人少好學年十八選為弟子上書言事武帝異其文拜
為謁者死年二十餘故世謂之終童史記賈誼洛陽人
年十八以能誦詩書屬文稱於郡中文帝召為博士時
年二十餘愚管記前代辭人類以終賈並稱如曹植求
自試表曰賈誼弱冠求試屬國終軍以妙年使越孔融

疏賈誼求試屬國詭係單于終軍欲以長纓牽致勁越
 張敏頭責子羽文如賈生之求試終軍之請使西征賦
 終童山東之英妙賈生洛陽之才子江淹詩終軍才始
 達賈誼位方尊江總詩賈誼登朝日終軍對奏年曹輔
 佐對儒終軍之類賈生之才史記魏公子虛左自迎侯
 生晉書阮籍率意命駕不由徑路車迹所窮輒慟哭而
 返尚書若濟巨川左傳公會晉師於瓦范獻子執羔趙
 簡子中行文子皆執鴈禮記凡摯卿羔大夫鴈周官卿
 執羔說者以為羔取羣而不黨春秋繁露曰凡執卿用
 羔羔有角而不用類仁者執之不鳴殺之不鳴類死義
 者飾羔鴈者以續以言其德足以衣被而又有文也續
 漢書陳羣父子並著高名每宰府辟召常同時旌命羔
 鴈成羣宋書禮志趙靈王變胡而秦滅趙以其君冠賜
 侍臣故秦漢以來侍臣有貂蟬也徐廣車服注北土寒
 涼本以貂皮腰額附施於冠因遂成首飾侍中左貂常
 侍右貂中華古今注貂蟬胡服也貂者須其文而不煥

炳外柔易而內剛勁也。蟬者清虛識變也。在位者有文而不自耀，有武而不示人也。漢官儀：蟬取居高飲露而不食，貂取內勁悍而外溫潤。毛詩：蟻我良人。孔紹安詩：藏良信在茲。吳都賦：祈福乎上。玄：甘泉賦：注上玄天也。李端哭南史詩：藏良從此恨。福善竟成虛。句意倣此。淮南子：注：鍛，殘羽也。韻會：長矛謂之鍛。一曰：鉞有鐔，又羽傷也。辭命論：鍛羽儀於高雲，顏延年詩：鸞羽有時鍛。晉書：張華傳：吳未滅時，斗牛之間嘗有紫氣，華聞豫章人雷煥妙達緯象，要煥登樓仰觀，問其是何祥也。煥曰：寶劍之精上徹於天耳。華因問在何郡。煥曰：在豫章豐城。華即補煥為豐城令。煥到縣，掘獄屋基，得一石函，中有雙劍，並刻題。一曰：龍泉；一曰：太阿。或謂煥曰：得兩送一。張公豈可欺乎？煥曰：本朝將亂，張公當受其禍。此劍當繫徐公墓上矣。靈異之物，終當化去，不久為人服也。庾信詩：龍泉今日掩史記。賈誼傳：賈生為長沙王太傅三年，有鴟飛入賈生舍，止於坐隅。楚人命鴟曰：鵬。自以為

壽不得常傷悼之乃為賦以自廣注異物志有山鷓鴣有文色土俗因形名之曰鷓鴣荊州記巫縣有鳥如鷓鴣其鳴為鷓楚人謂之鷓吳錄云鷓黑色也鳴自呼其名似鷓而大西京雜記賈誼在長沙鷓鴣集其承塵長沙俗以鷓鴣鳥至人家主人死誼作賦左傳春西狩獲麟春秋元命苞丘作春秋始於元終於麟左傳注曲阜在魯城中委曲長七八里水經注周成王封姬旦於曲阜曰魯後漢書楊賜薨及葬使侍御史持節送至舊塋京兆阡注見五律弔輓潘岳詩登城望郊甸莊子黃帝得之以登雲天殷仲文詩雲天亦遼亮候門注見五律酬寄論衡行路之人皆能論之王儉諸洲碑行路傷情庾信詩風期幸共存解嘲四皓采榮於南山郭林宗別傳林宗遊洛陽見河南尹李膺同舟而濟衆賓望之以為神仙焉謝靈運詩歡愛隔音容水經注金谷水出河南太白山原經石崇故居魏志嵇康阮籍阮咸山濤而秀劉伶王戎共竹林之游漢書司馬相如作子虛賦都下傳寫


晉書左思三都賦成都邑豪貴競相傳寫世說新語庾
闡作揚都賦成人競傳寫晉書夏統詣洛市藥會上已
船中曝所市藥諸貴人車乘來者如雲統並不之顧莊
子顧隱於齊有注脊曲項縮故與肩並也易傳上下相
同則為同人魏志毛曾與夏侯玄共坐時人謂之蒹葭
倚玉樹史記徐君好李札劍李札心知之為使上國還
至徐徐君已死於是乃解寶劍繫之徐君冢樹而去水
經注今徐城外有徐君墓昔延陵季子解劍於此晉書
祖逖曰常恐祖生先吾著鞭左傳子產聞子皮卒哭且
曰吾已無為善注無人知己之善列子鍾子期死伯
牙搊琴絕絃終身不更復鼓琴楚辭伯牙之絕絃兮無鍾子而聽之

王右丞詩集卷七

謹案卷七第二十七頁前六行清心尚不如刊本
如訛知據全唐詩改

欽定四庫全書





總校官庶吉士臣張能照
校對官檢討臣王鍾健
謄錄監生臣趙之璧